



姚端恪公詩集卷之一

辛巳壬午

東昌門人鄧秉恒元固

甫校

男姚士壑注若

士堂佩若

士堅庭若

士基履若

士塾庠若敬輯

沿江攬勝五首

公蒼藤正憶  
公一躍登日落虎



下金陵甲 將熊羆盡世亂稱戈水

陸興漫道防江多戍卒蘆漪寂寞起魚罾

岩峩天柱接層霄新置轅門建白旄 時新設 皖撫 大帥臨

江誰跨馬健兒入市盡橫刀水奔吳會龍舟駛山接

潯陽雉堞高正憶往年張太守曾將百戰拒宸濠

關門坐對九江遙額餉新增十萬饒青瑣郎官愁權

稅白衣估客畏停桡漢川杞梓無消息錦水璆琳漫

寂寥 時川廣 路阻 看美漁舟移日晚不堪坐嘯報中朝

黃鶴樓前江水淡 高皇當日御舟臨一從偽漢金

戈息誰效東吳鐵鎖沉故壘蒼茫看鷺宿高城浮動

有龍吟可憐夏日遙相望 在江 北 不盡頻年鉦鼓音

丹樓迢遞若霞浮蕩蕩崑城領上游岷嶺欲分三峽

接漢川不斷九江流青烽黯黯餘今日綠黍茫茫憶

往秋夾道爭傳新刺史功名應比杜荊州

小艇

小艇樅陽入青山夾岍同虹霓開翠巘風水漾晴空

里門得伯氏書却寄

蒹葭煙雨越江迷夜夜危僑渡澱谿但見老親相夢

若不聞伯氏共招攜馬穿歙嶺黃花落帆指華山絳  
葉齊初伯氏擬自新安抵秋浦應試比到開函知未發更將曉夢怨

烏啼

聞君官舍欲嚴裝老母牽裾涕數行應對原鴿憐小  
弟蹙停班馬慰高堂花明水驛丹葩冷絃落山城綠  
綺張好借俸錢當甘旨金華臘酒玉壺將

我到鄉園百草腓開君東角著書扉枯荷浙瀝聞秋  
雨叢菊蕭森對夕暉千里江魚常漠漠一行霜雁故  
飛飛從茲官舍瀟湘外望爾西湖煙艇歸予自此侍伯父入楚

憶昔二首

少小尋幽出野坳錦叢堂外有茅亭予祖居丹楓萬株關西許光祚

顏之曰貧家漉酒春相餉巨室懸扉夜不扃間一揚

沙鞭漠漠有時垂釣水泠泠最憐晚燒樵歌起犢背

兒童八九齡

猶憶家君甲戌年尋幽天柱萬山邊川原木老無人  
伐城市賓來到處傳松葉自留巢鶴徑桃花溪謝捕  
魚船間登古寨尋殘壘裊裊啼猿半嶺懸

里門感懷

歸來三徑半荒蕪月白霜黃冷碧梧據室伊威晨自  
走嗔人鳥雀晝相呼南遷漸長金城柳西望頻飛董  
澤蒲何日凱歌傳皖上草堂高卧著潛夫

古木參天萬壑霜連營鼓角接瀟湘難將露布傳招

隱幾見鏡歌奏缺折堅壁有時設奇伏屯田兼已課

農桑王師若欲問津者春水桃花路渺茫吾里山中通潛太英

霍以及楚之黃羅豫之光固綿亘近千里賊久住其中

欲賦中都泣數行陵園佳氣漫蒼蒼蓬蒿寂寞無人

徑古木從橫自夕陽石馬迴依孤殿立玉魚空伴五

雲翔沛宮父老多零落風起何堪望故鄉

海門潮接青谿曲六代興衰古帝畿馬嘯寒風猶北

立烏啼明月盡南飛伏戎強半流民熾徵餉那堪土

著稀湛湛長江楓葉盡側身四望淚沾衣

武皇當日訪蓬瀛萬里巡邊自勒兵織女橋頭明月

度仙人掌上暮雲平珮環想像帷中起宮闕虛無海

上生聞道柏梁多侍從曾無諫草達延英

岱宗東望鬱青葱控引河淮擁帝宮獻馘幾曾光魯

頌陳詩何處覓齊風月明野戍燕鴻度雨落荒邨鷄

犬空南旺明年春草綠輓輪珍重入雲中  
天門蕩蕩察秋毫蒼隼臨關刷羽毛幾輩絳侯尊獄  
吏獨令張尉冠刑曹霜飛六月長虹見月冷三司貫  
索高四十八年懷往事福堂蕭瑟起蓬蒿  
今年二月正桑麻千里蛟龍捲白沙水落纜高新樹  
影潮平重築舊人家麥田魚躍供寒鷺茅屋煙殘起  
暮鴉扶杖久聽蠲賦詔諸君何以謝咨嗟

皖口送仲氏下金陵予侍伯父之荆南

征帆沂漢水歸棹下南畿獨鳥亦何急雙鳧相背飛

鳴琴懷謝傅鼓瑟憶湘妃兩地詩成帙長江鯉正肥

其二

伯父高牙壯樓船建烏章詩分潘岳秀酒恕阮咸狂  
文鹿同雲夢嘉魚會武昌有書傳越署莫憶楚江長  
舟經小孤山下

亂水浮孤寺危峰駐遠濤石分鮫室斷樹古鵲巢高  
負米僧乘筏焚香客住舸最憐青壁迴結構小亭牢

柴門

高柳長堤一望遙柴門坐對楚江潮牛車汲水通樵

徑虎落垂藤覆板橋月散千林停買舶風傳幾處起  
童謠故園回首桑麻盡何地躬耕藉綠苗

月步

江天星月欲爭先平楚蒼蒼淨晚煙風急雲空鴻路  
濶霜高林潔鳥巢懸柴門靜閱千帆影草閣平臨十  
畝偏緩步咏歸尊酒熟舟人烹得鯉魚鮮

黃州赤壁歌

山臨江屹立如鼻又曰赤鼻子瞻  
以爲周瑜破曹處誤也

赤壁高高臨江渚蘆漪荻岫晴堪數遠峰似散蒼梧  
雲驚濤欲亂瀟湘雨虛無黯澹忽變色湘靈鼓瑟群

龍舞有時天水相澄鮮翠屏鱗鱗束什伍江邊眇眇  
女墻斜城臨峭壁復平沙井榦直視一千里睥睨深  
藏十萬家江上城邊卽古寺唐碑剝落餘殘字林巒  
倒映西湖淡鐘聲雜暹潮聲至寺裏老僧爲子陳後  
有高樓舊薄雲使君建策防黃巾考鼓鳴鐘一夕焚  
厲兵秣馬豈無策獨令野寺煙氤氳何不鞭山走赤  
壁令此高城壁立臨江濱我聞此語復長嘆賓從容  
與歸江岫夕陽黯黯檣烏飛青壁杳冥丹厓散恨無  
吳生擅場筆驅石移江歸几案

武昌赤壁歌

赤壁之山鬱崔嵬驚波濁浪相喧豕曹公樓船蔽千里旌旗如雲天上來鳴鉦伐鼓三軍應江水壁立山崩摧有時散馬飲江隈紛紛虎脊與龍媒健兒輕身垂紫鞵風沙漠漠去復迴橫槩賦詩何壯哉左立巖馬右鄒枚三吳局促不盈掌孫郎顛顛捧金壘二喬如花鎖春殿真珠簾箔掩銅臺豈知天道有倚伏樓船十萬一時災蒲葦蔽天飛東風揚其灰棄甲浮水上焉知游與洄朱光灼灼江水沸馮夷却走蛟龍哀

壯士死盡紫煙散然後晴江萬頃琉璃開散花洲上

酒千杯洲在山北岍孫劉談笑無嫌猜回思拔劍斫

几何壯哉周郎密計奪神秘曹公逸氣凌九垓中原

未一兩賢厄坐屈髣髴孫吳之奇材不然水陸之師

八十萬奚啻龍驤乘流破竹如奔雷寂寂斯人不可

作煙雨漁蓑披綠臺

西塞一名道士洑形如道士張志和漁父詠云西塞山前白鷺飛桃花流水鱖魚肥

為尋龍窟寺畫艇易漁舟剝落唐碑古蒼茫野殿留

竹林穿石出樟影入江浮萬壑傳孤磬驚鷗起別洲



其二

地近蛟龍穴人題虎豹關  
濤飛蘆荻白霜降薜蘿殷  
斜日亭臨水微風帆度山  
桃花巖尚在漁父棹歌還

其三

西塞臨平楚蒼然萬木齊  
沙崩蛟出浦風嘯虎鳴谿  
陸羽茶能薦山公酒自攜  
仙源如再訪花下去津迷

白雲閣

昔聞黃鶴樓今上白雲閣  
武昌若彈丸蘭綺紛交錯  
朱甍映旭景歷歷見丹雘  
直視出晴川

對岍樓名

高下漢

陽郭微霞遵渚飛采虹垂天  
落松風靜不興澹澹澄  
江廓黃鶴杳不來微軀欲安  
托何當復來儀翼我登  
廣莫帝閭啟雙扉羽衣紛相  
索玉女引吹笙並坐垂  
珠箔左薦綏山桃右獻浮丘  
爵持謝鸚鵡洲嗟彼羅  
間雀

鸚鵡洲懷古

馮高望孤洲悵然獨懷古  
不見彌處士悲風動寒浦  
借問殺者誰大兒孔文舉  
檠鶴立階除驅鳳入林藪  
羅畢東西施欲去將安所  
遂使曹與劉假手于黃祖

曹公亦寂寞餘輩安足數  
落落水上洲猶得名鸚鵡  
長干解纜鞠華黃青女初飛  
陌上霜對雪不堪詢節  
序占風空復偃帆檣爲鄰楚  
署羈思切久別吳宮客  
夢忘兩地折梅無驛使各憐  
懷袖滿馨香

阻風

時

伯父先自武昌陸行向荆

昨宵初得使君書促我衝寒坐  
筭輿一別經旬猶未  
得刻期明日定何如官亭雨過  
水條結沙岍風飄玉  
樹疎多少材官南陌上馮高空  
復列旌旗

去年冰雪結寒潭曾侍家君駕  
兩驂越水鳴琴收竹  
箭湘陰聽瑟倚榭楠魚龍寂寞  
自千里鴻雁拚飛無  
一函莫上沙堤頻望遠煙波何  
處是江南

九曲歌

歲云暮矣多離憂朔風瑟瑟雲  
油油擁書萬卷不復  
讀擲向牙籤玉架頭但當飲醇  
酒炙肥牛清風流西  
歛蒼霞揚東謳湘東醺醪酒思  
柔拂衣長嘯傾百卣  
百卣未盡日已邁東馳之景復  
西流安得巨靈力士  
列如麻齊繫長繩挽日車扶桑  
枝柯拂萬里咸池清  
淺風揚沙闇河桂不落綏山桃  
再華旦復旦兮不復

暮薄暮爛爛起朝霞酒亦不可盡日亦不可回君不見岷峨之水三峽來千里江陵一日回明年燕山雪花大如掌匹馬又向黃金臺

江行雜咏

朔風清以厲霏霧散江湄翳翳遠峰沒喬林餘高枝  
玄雲四邊來高下天風吹亭亭沈陰岡髣髴復翻飛  
有似客遊子飄飄臨路岐苑結吐高吟佇立心孔悲  
皎皎河漢女太息損容儀

三楚多秀士靈均發高倡乘黃振逸足千春無雁行  
嗟予亦南征揚舲浮沅湘鸚鵡聲苦悲百草慘不芳  
芙蓉無可搴何以製爲裳醜酒讀九辨悄悄以永傷  
楚山自嗟峨楚江清且長梗楠與杞梓蜿蜒尚千章  
所遇如宿昔斯人獨杳茫我生宋景後矯翼思騰驤  
直視發浩歌異代黯相望

澄江瀉碧空淨如舒縞練文霞何處來玄黃鬱相絢  
有鳥差池飛清音振遙甸淡淡遠峰上濯濯寒洲見  
盤石垂釣者放歌方夷衍

褰扉一以眺江天杳冥冥薄霧縈高峰迴波蕩行雲

日車不可挽蒼蒼餘夕曛俯仰歲云暮躑躅尚江濱  
孤鴻遵渚飛翩翩求其羣清音徹層霄羽翰何紛員  
踟躕還入戶感物思氤氲

南眺沅湘濱浩浩流不息傳聞虞二妃遺廟在其側  
九疑鬱相望慘慘長相憶淥竹爲悲辛千春無顏色  
我來值歲暮芳草以衰熄荷蓋與葯房采采安可得  
佇望北渚雲髣髴見容飾

楚江何逶迤澄湍清且漣回瀾縈曲岨沙堤當我前  
布帆懸復落天風無變遷遊人起彷徨估客淚潺湲  
容容出谷雲逍遙度前川遊雲日千里我憂不可蠲  
夕鳥連翩飛泄泄迎我船安能假勁翮撫翼起高騫  
弭節停江臯起登江上村枯樗八九株蕭蕭出衡門  
石瀨清且淺微雲波際翻古老兩三人並坐偃松根  
髮短耳何長灸背當斜暄有婦負葦歸縱橫成藩垣  
稚子啟雙扉傳呼進夕飧田家爲改歲漉酒羞鷄豚  
越陌復度阡古歡相枉存好風自南來牛哥謹以繁  
客子獨行役擊汰度湘沅載吟蟋蟀詩慷慨誰與言  
晚晚日西沒倦翼戢北林歸雲會暮風翩翩返層岑

勞人夜未央鼓柂赴前濤長川動明月流光正浮沈  
玉繩何歷歷縱橫辰與參天路渺難涉江漢迴且深  
四遠浩茫茫離思安可任

治裝發長干黃葉飄前除按節停荆渚素雪下林墟  
玉樹夾道生枝柯何扶疎烈風自西來洪波與之俱  
帆靜遠峰合蕭蕭江上虛獨鳥求其曹羽翼不能舒  
飛鳴一以逝出沒無樵漁嗟此干役子悲思鬱以紆  
何當高堂上斗酒樂相於首人奉甘蓄中厨羞珍魚  
徵譔合古歡並坐佩瓊琚

行路易

子以仲冬侍伯父入楚樓船蕭鼓浮江覽  
勝洵昔人所謂壯遊也恐激水長干咸念我  
羈人漫增苑結故變古行路難爲行路易以  
慰之

啾啾林間麋銜草更鳴麇雝雝雙飛鴈叶連翩遵渚  
畔渚上戢翼有鴛鴦三三五五羅成行對物增愁思  
感心動耳不能忘調膠理亂絲纏綿結曲不可治拔  
劍斷流水各自東西南北馳憂來無方誰能不思相

妙善悟公詩集 卷之一  
思莫揮涕聽我爲謠行路易長吟高嘯絕清雲安庸  
佛鬱益顛顛

四遠茫茫天蕩蕩安得少華仙人進我九節杖下含  
龍嘯之清音上發虎鬚之奇狀海遊三山揚素波陸  
登五嶽開青嶂振衣高步金銀臺浮雲入掌天風颺  
誰能碌碌困坐鬱金堂蘭燈桂酒朱軒上外鼓玉匣  
之雕琴內擁芙蓉之羽帳鬪鷄東郊之繡茵走馬長  
楸之錦障大夫意氣不可干敖遊當爲天下壯君不  
見龍門司馬遷南浮沅湘歷九疑蕭條異代稱侗儻

長江湛湛水淪漣高帆如雲挂樓船左右龍鱗紛蜿蜒  
三湘健兒持戈鋌丈八蛇矛列兩邊挽弓一石能  
洞堅金管嘒嘒鼓咽咽廣廈十間何有焉洛陽博山  
焚麝煙葡萄清酒斗十千中厨玉饌值萬錢漁謠嘑  
嘑小舟前舉網新得素鱗鮮王屋之鮪縮項鰻視此  
何啻若比肩鸞刀縷切翠釜煎水精之盤明且妍平  
頭奴子髮初卷手提玉壺左右旋嗣宗逸興何翩翩  
匹侶列坐竟長筵明月高高霜滿天爲君屢舞舞蹀  
躞

昨夜夢長干思婦顛顛倚樓端問我何方來路遠旋  
歸難下有衝波百折之迴川上有林岑千尋之危巒  
感君惟古歡寄我金琅玕置我紫綺襦一日十回看  
北風清厲閨闔寒况復長江盛波瀾新衣誰當綻故  
衣誰當完賤妾筐篚七十二蜀錦越練與齊紈棄置  
不復陳念君客衣單菖蒲九節合藥一丸庶無疾病  
顏如渥丹君家阿母更相憶傳書命君勉加餐努力  
慎自愛毋令衣帶寬話言未罄榜歌發易地山遠路  
漫漫鴻鵠高舉絕四海焉得連翩振羽翰行路易君

莫嘆

石尤起何處飄颻漢陽來錦帆不復施起登江上臺  
江上千山萬山鬱相望蒼龍百疊翠屏張杞梓榲楠  
各千章枯松倒挂倚石梁女蘿蜿蜒十尋長澄川如  
掌瀉青黛珠宮黯淡無輝光彼何人斯山之岡霞衣  
瓊佩蔭脩篁臨池徙倚弄華芳冷冷差參吐鳳凰山  
公倚石據胡床醑醑清酒玉瓶將山簡亦  
荆刺史欲飲不飲  
申百觴酒酣振筆發高倡綺思雲合何飛颺酩酊歸  
來日蒼黃左右傳呼有葛疆今日爲樂樂未央

蒼隼矯勁翮高舉凌紫蓋鷄鳴發天南日晡集下蔡  
丈夫壯遊亦若此龍爲馬兮雲爲旆九野局促不足  
步會攜長劍倚天外翩翩飛禽遵彼北林五步迴顧  
十步嗚吟不見京洛繁華子東廂西序相追尋

長江素雪何霏霏風雨飄颻下九達方者爲璧圓者  
珪玉柯亭亭正參差若有人兮江之濬乘回風兮載  
雲旗鮫宮掩靄無顏色馮夷寂寞湘娥悲遙峰連綿  
起煙霧翠屏杳冥丹厓疑我友二三人並坐彈奕棋  
酋人獻甘醪中庖烹伏雌酒酣哢嘖搖彩筆四顧蒼

茫起賦詩詩成却笑五陵賓對雪徵歌淥酒醇璇閨  
玉墀垂珠箔綵女如花洛陽人齊衾兩設枕雙陳靡  
顏膩理待君親千金駿馬不動塵留向明年芳草春  
吁嗟此輩安足珍蒼鷹凌風一遐翥寒空萬里誰能

馴

永言

故山盛松桂昔亦結茅茨陽春二三月萬木發華滋  
山靜闐無響好鳥鳴高枝澄潭如委練文禽蔽其潛  
石泉何泠泠鳴玉相追隨斜月映平林流光正參差



驚飈驅浮雲蕩蕩天門開叶宿莽無人徑蕭蕭虎豹  
啼叶自我之出矣中心恒因依願爲雙飛燕銜泥巢  
故棖

啖桃餘桃子投子種道傍未及二三年枝柯如我長  
泫泫林間露灑灑陌上霜翩翩堂前燕烈烈牖下蜚  
所遇如信宿玄髮倏已蒼人短知物長撫心增慨慷  
昨夢天門開乘槎漾日傍仙人召我居驟駕白鹿翔  
金闕千尋餘威蕤自生光羽衣紛相索綺袖何飄颻  
授我綠瓊丹飲我沈瀟漿益我三秀草奉藥一玉箱

詔我獻陛下陛下歌芝房陛下三千萬小臣亦壽康  
高者文成侯卑者執戟郎賤子跽自陳踧踖不敢當  
方士多矯誣天王方聖明長揖謝王喬高步下玉堂  
亭亭百尺松黃爵巢其枝寄托不肖軀有如太山陂  
天風拔我松柯榦從橫披黃爵暮來歸哀鳴聲正悲  
畢羅出其東彈丸出其西頂踵寧不惜且復繞枝啼  
不惜故巢毀所悲棟梁摧勿以炎曦熾捐棄紵與絲  
勿以秋霜零捐棄綵與絺平居不畜士緩急當語誰  
黃金閉筥篋意氣徒爾爲

如端恪公詩集 卷之一  
亮景麗四遠誰辨辰與參滄溟日夕流焉知淄與澠  
海蜃爲樓臺夸父成鄧林人心非金石恩怨苦相尋  
昭昭明哲士睨視若颺塵杯酒釋怨怒無庸少逡巡  
我愛廉與藺慷慨結慙慙我愛魯連子排難以解紛  
蘭蕙植山椒杜若被江渚與子雖殊途馨香自相許  
豈必偕晨夕然後稱儔侶親者日以來疎者日以去  
古道不可作斯意竟誰語

步出城南門松楸臨廣路華表秀平阡云是侯王墓  
荆棘夾道生從橫起狐兔石馬慘不驕局促以窘步

總帷舞袖空肅肅悲風度嬋娟歌吹停髣髴能復遇  
登高望故里欲歸鬼伯怒安知華屋裏玉棟珊瑚樹  
松門一以閉萬歲更相赴白日沈陰岡少焉出扶桑  
嚴霜百卉零春露復芬芳人命若迫促一別永相望  
安知王子晉驂鹿雲中翔

拔劍斷流水流水自西傾漉酒解愁思愁思還復盈  
我有金錯刀左右垂琇瑩窮年不復施黯澹少光榮  
龍性欲颺去中宵風雨聲攬衣拔劍起顧龍空復情  
壯士猶寂寞爾曹遂悲鳴

女詩集卷之一  
樗遂生道周欲伐我無斧猛虎戲田間欲射我無弩  
馬瘖車輪折言陟齊與魯舟敝川無梁言涉江與海  
叶利劍不在掌黃金不在肘意氣自分明空言竟何  
補

孔雀參天翔清音絕雲漢叶徘徊閨苑顛遊戲若木  
端瑤光過我前北斗在闌干交交三黃鳥林間振羽  
翰曰將從我遊仰視浮雲寬我欲躬負汝天高路漫  
漫我欲捨汝去所見無鳳鸞五步一迴顧十步一盤  
桓

青谿月泛

秋風吹木末高月動城隅刻漏傳金箭停杯傾玉壺  
疎林開鳥戶落葉罨魚罟悵望澄潭裏雲天列畫圖

其二

清光流不盡曲曲館亭幽菰苈檐前出松軒水上浮  
墻花秋爛熳亭鶴晚夷猶公子方高會笙歌坐綺樓

其三

誰家調玉笛清切夜初分垂手依簾立焚香隔沼聞  
縠衣驚夕露羅袖動秋雲明月高梁上徘徊亦爲君

其四

欲盡十千酒重過三五橋樓空淡貯月槩急亂生潮  
薄霧縈高柳疎星挂遠條浙東湖北地回首憶今宵  
送子遠之湖上

亂柳繁蟬曲水隈錦帆遙背女墻開奇峰坐對夏雲  
出煙棹斜分返照來蘆荻從橫環浦淑芙蓉寂寞隱  
樓臺知君此別無多日大指子遠齋名齋頭白雁催

潮生風急水曾波雙鯉艱難度遠沱欲采杜蘅遺澤  
畔空披薜荔倚巖阿清商婉轉朱絃冷湖海從橫白  
眼多莫道壯遊名勝地素箏濁酒易蹉跎

得爾止書却寄

青鳥拚飛繞檻低美人書札自淮西寄言別路春雲  
散又見官齋夏木齊鼓角三更悲欲語風沙五月晝  
長迷莫言河朔當年飲玉盃金尊不忍攜

石頭城畔晚煙蒼間一登高望草堂繞砌松筠空復  
好沿谿荷芰爲誰芳老農側耳聽鳴鶴列郡移書正  
捕蝗江北江南有如此離憂愁思兩茫茫

贈奕于新居

如華公詩集 卷之一  
一月東風蕙葉齊王孫卜築禁城西星懸古渡栖鳥  
羽雲隱高樓集燕泥傷石種花開草閣沿墻植竹度  
前谿閉門好著平邊策江北江南正鼓鞳

輓陳大士先生兼唁孝威逸少

湯湯濟水漫東傾濟上樓船空復情南望山川如故  
國北來風景失神京青牛斷絕關雲散白馬淒涼墓  
木平縱有所忠來問賦知無禪草媚延英

徙倚新亭望畫橈吳宮風雨漫瀟瀟道周杖杜無消  
息江上芙蓉久寂寥一去但歌黃鶴曲復來難奏白

雲謠蒼茫煙水寒潮急何處傳芭可大招

有子泔泔涕欲枯縞衣散髮渡江湖驥鬣赤汗原干

里鳳翥丹山自九雛

孝威名鳳  
逸少名驥

郭北松聲雖寂寞亭

南槐影未荒蕪懸知春露滋蘭畹並奠瓊漿泣畫圖

贈爾止新居

我奏思歸引憐君竟卜居呼童飼好鳥僕母有嘉魚  
雲落谿光淡風閒樹影疎故園應寂寞松菊近何如

其二

擁離城闕下人靜草堂淡小閣爲吾掃新詩對客吟

如披高士傳因見古人心坐久聞無響蘿風激素琴  
贈別謝孺玉

望遠臨高酒一杯莫雲不斷楚江開蒹葭白露人初  
去楊柳青谿燕已來千里山川還入夢百年風雅更  
登臺莫教屈宋淪胥後寂寞瀟湘萬絳哀

送陳興霸之邗上

孤帆寂寞唱驪歌羨爾霜天雁陣過舟泊葦汀貽杜  
若月明桃渡冷藤蘿洲前落照隨濤湧江上遊雲入  
晚多嫋嫋秋風邗水碧相思疑是洞庭波

寄元錫吉偶

聞君邗水去借問幾時迴屈指重陽節同登木末臺  
霜天鸞翮鍛月望雁書來念爾還留滯黃花空復開

其二

季方聞善病近日體何如肯蓄堪陪宴窮愁莫著書  
六龍堪並轡四牡正迴車牢落多吾友芒鞋返敝廬

其三

聞爾過淮上胡生在幕中丹厓如不隔青雀可能逢  
枚宅桂叢發王池藥竈空新詩應更好何處托霜鴻

其四

城南君別墅古木間橫塘垂幌風鳴竹開簾月在床  
步隨楓葉下坐對菊花香何事留瓊觀飄零滿院霜  
謝孺玉投詩賦答

神絲出濟陰桐峰產文梓製爲琴與瑟其音清且旨  
同調良獨難千里遙相俟應憐屈宋亾寂寞瀟湘沚

贈慰吉偶

高閣疎簾列翠屏登樓指點索銀瓶裁成白練詩先  
就舞罷青萍酒半醒世上何人憐孝伯閨中有婦諫

劉伶養生莫笑丹砂拙試讀黃庭內景經

羅畢高懸鵠未飛秋風顛顛願多違能宗阮籍唯青  
眼欲送荆軻莫白衣

姚端恪公詩集卷之二  
癸未甲申  
偃外奏主莫笑丹徒此篇黃鼠內景蟹

姚端恪公詩集卷之二

癸未甲申

春日往琴溪道懷

伯父仲兄愆尋梅之約

旭景雙柑期杖藜  
玩鞭亭外漫栖栖  
南郊風日春相麗  
梅塢笙歌晚更齊  
康樂應憐詩寡和  
嗣宗孰爲酒同攜  
踏花歸向長千里  
知有遊蜂逐馬蹄

碧山道中

青蓮人不作白社  
我還行沙岍臨谿  
折山泉出峽鳴岡  
巒青不斷阡陌綠  
初平春色蹉跎甚  
空餘此日情

其二



小憩藍山寺高林覆古丘  
褰扉雙嶂合俯檻大溪流  
磬響時一發鳥聲終日幽  
驅車已嚴駕回首欲淹留  
其三

夕陽歸已盡巖壑倍清深  
亂石水爭道空山月在林  
村幽聞犬吠谷響或龍吟  
二仲勞相御張燈度遠岑  
謂查孟如其  
中爾公兄弟

三桂園

三桂園清絕蕭然出世氛  
樓臺架石起桃柳面谿分  
卧聽水鳴澗坐看山吐雲  
茅亭如可結應製女蘿裙

碧山道

兩山古木葉交通中有藤蘿一徑空  
薄霧自停崇嶺下亂流爭會小橋東  
松林白鶴時相訪柑酒黃鸝聽  
不窮我亦風塵萍梗客將因采藥問韓終

碧山歸道

芒鞋竹杖性情偏每別名山便黯然  
况值高朋良宴會更逢春雨乍晴天  
荒村面嶺雲迎馬灌木臨溪風送船  
從此桃花流水上高歌獨讓李青蓮  
碧山尚有  
桃花潭注

倫故址

晝卧

幾欲登樓賦晚晴陰陰煙雨亂春城只應閉閣看龍  
卧何處吹笙學鳳鳴支遁買山思辟世韓康賣藥願  
逃名閒來散帙疎鐘起文藻風流萬古情

柔艣

柔艣趨前渚蒼然暮色迺雲霞餘絕巘日月亂中流  
獨雉越檣去雙鳧出浪浮最憐烏臼葉爛熳在河洲

江行

堤近橋相接沙平岍亦摧坐聽樵唱起遠和櫂歌來

墜葉因風上疎花傍水開惠山新貰酒寒晝泛金罍  
卽事

東吳遲納稼陽月獲田園狹徑藏樵路低橋通水門  
郭外

臨江開藥圃近郭卽村家古瓦覆楓葉疎籬冷豆花  
月明漁泛浦風急雁移沙旅思聊沽酒高歌白鼻騮  
虎丘

千人石畔兩溪迴傳是生公舊講臺鐘磬迴從天上  
落雲霞倒映鏡中開滄桑寂寞還懷古風雨飄零更

舉杯漫道館娃多勝蹟  
吻吻麋鹿點蒼苔

寄子遠

舍弟揚州至傳君旅次音  
吳舫恣嘯傲隋苑足登臨  
五馬停青路雙蛾拂素琴  
幾回明月夕搔首望辰參

武林謁 王父祠

臨安五馬正翩翩世父初題雁塔年

王父守杭時伯父初成進士

御史雨隨絳雪遠郎官星傍紫霞懸

伯父時宦荆南大人令激谿

含飴拊膝悲寥落結駟題橋許接聯  
故老有人思髣髴更從容止憶先賢

吳山山半結祠堂

在隍廟之左

坐見錢塘江水長青嶂紫

瀾相映發驪駒白馬足翱翔

用樂府二千石語

芝分三秀懷

王謝麥吐雙岐憶趙張仰止更煩新太守  
雕楹繡柱

倍輝光

迢遞丹梁面碧湍南屏山色向闌干

在岳廟之東

門開曲

徑叢花發垣背高丘古木盤父老歲時處  
伏臘漁樵

經過拜衣冠林逋孤墓長鄰近並倚梅花  
駕鶴看

贈懷張益讓

聞道玄亭傍碧山西風纔靜已緘關  
愛看楓葉雙鸞

妙端恪公詩集 卷之二  
下坐對松林一鶴還書就黃庭晨磬發經過白社晚  
筇閒蒙茸嘉木雲霞外青壁峩峩不可攀

寄鮑曼殊

吳江迢遞越谿深青鳥無因寄玉岑一望雲山孤鶴  
迴幾時風雨二龍吟調成綠綺絃多急書就黃庭酒  
半斟夢裏玄亭怕過訪蒙茸芳樹不堪尋

冬過富春江

五月富春城波光混太清漁舟凌岫度雉堞與江平  
煙雨

煙雨寒江曉連山爭吐雲布帆辭葛塢柔艣向桐君  
水落高沙見波恬細石分此州多逸士應製女蘿裙

越谿

越谿清且淺竟日少風濤魚泛張鱗甲鳧飛落羽毛  
白沙依岫折青嶂夾雲高漫道孤航逸山川應接勞  
空碧

越谿空碧淨無塵雲木青移澗底春只合當年范少  
伯開簾持照浣紗人

七里灘

富春清絕地况近子陵臺  
岍折疑山盡舟移見水開  
巖松垂薜荔谿石照莓苔  
勝蹟昔如此歸思安可裁  
嚴陵絕壁俯潺湲雲石參差古木間  
湍急不堪寒雨漲巖高易見夕陽還  
空憐耿鄧穿金甲恥效姜伊近  
玉顏社稷三分群寂寞釣臺長是漢家山

別沈冠東

休文湖上正相逢  
颯颯楓林夾岍紅  
鵬化北溟飛更迴  
馬驤西極步能工  
纔傾玉盃歌零露  
又挂牙檣犯曉風  
燕市明年期並轡  
紫騮相向落花中

廣陵雜咏

揚州城外有高臺  
白旆央央鼓角哀  
歌舞百年餘戰伐  
旌旗十道此遲回  
江連京口防南渡  
河接淮陰向北開  
辛苦中丞天下計  
籌兵督餉兩相催

寇燧頻年不可除  
河南江北半丘墟  
天留淮海馳驅路  
人歷滁和震恐餘  
往年寇破滁和揚人大震  
空復紅亭臨岍起

誰言翠袖對門居  
咽咽笙管無宵旦  
風俗猶傳萬曆

初

廣陵濤氣浩茫茫枚叔驅車正入梁文藻斯人不可  
作風流異代黯相望春花偃蹇迷空宅芳草連綿發  
女墻白水青簾晴歷歷誰將辭賦傲滄浪  
隋家宮殿冷斜暉有客馮高淚欲揮沙岍柳條堪攬  
結春梁燕子故因依雙蛾盡向金閨老八駿難隨玉  
輦歸欲問迷樓無處是又聽鉦鼓動漁磯

泗州遙瞻

祖陵

寢殿黃雲覆野汀喬松長繫萬年苓女墻隔岍晴堪  
數遠岫沿流春更青馮伯依然朝王氣蚩尤猶未捲

妖星何年詔獻河清賦并與饒歌奏紫廷

時值河決  
兼感寇警

徐州謁漢高帝祠

荒菴古瓦覆楸花赤帝遺容籠絳紗芒碭雲淡猶作  
雨彭城風起尚揚沙河流曲抱平原轉山勢平臨睥  
睨斜鳴鏑可憐遺鏃在居人指點說悲笳

孤兒啼

孤兒啼在道傍孤兒胡爲在道傍父母去見時語兒  
勿倉皇吾慙從此去躑躅覓餽糧此去亦不遠還來  
相扶將五步一回顧十步九彷徨如今一去不復返

東衢西巷黯相望上無單衣下無複裳饑無簞食渴  
無壺漿一語淚盈眶再語淚千行我誓將活汝爲汝  
叩穹蒼河伯出鯉魚北斗挹酒漿姮娥奉瑛珞織女  
錫霞裳天門高蕩蕩此語亦難量孤兒胡爲在道傍  
孤兒安得久道傍

塗吟

牙旗遺寨在編柳覆春谿警夜聞盧吠巡營仗馬嘶  
徵歌停玉節擁被擬金閨別壘遙相望連宵動鼓鼙

其二

拭淚誰家女明粧短後衣王嬙悲度曲蔡琰夢知歸  
束縛名駒逸防閒老嫗依春風楊柳怨長傍玉關飛

其三

在平徐駐馬餘燼冢纍纍綠柳城中變白楊郭外疑  
誰人空巷出有鳥舊巢悲仙令留遺恨淡淡陷馬池

德州遇金天樞先生感賦

建章宮闕鬱嵯峨北道連朝絕玉珂忽聽青驄鳴驛  
路驚看紫氣隱層阿雪霜黯黯餘松柏風樹蕭蕭泣  
蓼莪憂國懷親雙涕淚張衡不獨四愁歌

時先生以  
言事左遷

兼值  
外艱

春風小謝共蹉跎玉樹餘輝逮綠蘿

時令弟冲立年兄與予同上公

車七葉衣冠南渡並三台官跡左遷多誰從魚海銷

金甲空向龜山怨斧柯雲雨紛披那可問欲憑忠信

涉風波

與曼公年執夜話作

桐峰文梓直清激倚樓端綠綺能相和朱絃盡日彈

移情江海濶顧曲歲時寬惆悵知音少慙慙托古驪

贈別農父

長干諸子待歸輪漉酒徵詩定幾句故里風流餘此

地西州翰藻足千春雙龍浴水光堪並旅雁依沙晚

更親松竹同岑君察識莫令膠漆說雷陳

喜宋其武及第

條狼鞭靜日熹微羨爾傳聲動禁闈書奏玉階多氣

色身移金城倍光輝

傳臚日三鼎甲移跪玉墀中道

雙蓮花俯鸞姿

起五色雲隨玉輦飛

韓魏公亦及第第二人

別墅城南春草芳論交身屬灌夫行故人雨散各干



里才子風流自一方綺袖隔年懷錦字珠宮同日咏  
霓裳相逢寧用歌車笠不異承恩捧敕黃

上李茂明先生

楓殿傳呼拜次卿天人風裁動延英四朝黃髮三君  
望百折丹心萬里名鳳翥霜臺梧露冷烏啼秋署栢  
風清佇看北闕頒新詔重聽尚書舊履聲

題元錫斗室

吾師清苑絕蓬萊令子亭隅曲徑開較史定知分太  
乙占星應復傍中台擁書諸弟環床坐問字高朋載

酒來四壁碣碑無不好臨池白練幾徘徊

冠蓋京華僕馬喧垂簾小憩卽名園短墻荒草雲移  
檻老樹空亭月浸門玩世漫勞栖栗里辟人何處不  
桃源安能十日從雄宅高卧長吟復舉尊

寄吉偶兼懷陳二如

黯黯雙瞳畏曉風攜尊還過慰離鴻

別時吉  
偶病目故人只

望別離久純素相遺圖畫工春草秋花成髣髴伯勞  
飛燕易西東吾兒君壻時常見可一呼名問若翁

元方冒雪侍鳴珂淹滯來書三月過北道我愚知磬

折江南君醉莫悲歌閉門松竹應還古高會賓朋可  
更多寄語元龍同努力顏書杜律勿蹉跎

空眼贈別尚木時以舍人催餉

轉餉趨魚海徵書借鳳池烏烏曾嘯傲燕燕忽參差  
文藻雲間盛風流宋玉師索居那可問星馭莫教遲

寄慰伯父

御史霜何在飄零海一隅巢松看獨鶴集苑自羣烏  
名爲清貧減官因久宦迂華林新月好尊酒對平蕪

其二

宦情甘寂寞世事日艱難屢借能臣箸頻開大將壇  
北山空轉石東海漫投竿高卧龍吟穩徵杯合古驩

呈汪澹石年執

黃海嗟峨天際開夕郎風裁振東臺驂騮得路爲龍  
友雕鶚橫秋聽鳥猜左省夙標松柏譽公門新植豫

章材

時自江右  
典試至

懸知不寢聽金鑰封事應從月下裁

呈光含萬前輩

天路紛飛雲雨寒中原相望觸邪冠但祈秦弩迎蛟  
發肯令隋珠向雀彈封事夜裁霜欲雨朝衣曉起露

初乾美人只尺宮雲上圖報頻陳雙玉盤

送方仁植前輩屯田河北

曾張幕府漢陽墟八捷功名在孟諸昔撫全楚有八捷銷刻

今朝司馬印艱難前日樂羊書時已推司馬不果漢家轉餉

元黃閣北道開屯比白渠懸知新

命不時除

送任玉仲年執直指浙中

嚴飈蕭瑟錦林凋御史霜威倍寂寥白簡蹙虛烏署

月先聲已震浙江潮輕裝短景驅驄馬大澤寒雲起

皂雕道過金陵詢守禦莫教風雨更飄搖

馮高遙望子陵灘漠漠白雲天外寒時大人幸有相

如憐負弩可容貢禹說彈冠青囊自許匡時易黃綬

方知行路難裊裊綠蘿忻有托能無輝映借琅玕

上倪鴻寶太夫子自翰苑拜司農特典也

蓬池清切五雲高曾賜冰盤和郢醪只擬謝安司北

斗猶煩杜預領東曹竹屏介節誰能並木柿遺風不

厭勞積貯疏成應力上懸知太乙助揮毫

越谿特簡一司農越人司餉自公始桃花

春水南帆絕榆塞軍需少府供黃白寧分勾漏術渥  
丹殊異度支容他年著史修平準藏向吳山第幾峰  
海樹蒼茫近鳳池成連相導謁吾師劉元功夫子  
為公門下士桃  
谿先後歸青瑣竹箭東南入絳帷櫪下霜蹄懷顧盼  
階前海鶴託容姿上林春苑花如綺可許吹噓借一  
枝

送吳鹿友相國視師楚中

中台常傍紫微低忽聽元戎甲仗齊只擬謝安遊別  
墅重勞裴度閱淮西玉龍出匣芙蓉亂鐵駟穿營楊

柳迷此日服成正六月先聲應震白銅鞮

雲擁天書出尚方門下叅軍占太

白戲前廝養傲中黃肯教劍閣留歸路更塞潼關扼  
大荒况復握奇兼水陸新開幕府在潯陽  
故里山川久索居戰雲蕭瑟蔽林墟管寧辟地情徒  
切王粲從軍計已疎此去丈人懸劍節歸來天子賜  
旌旗金門擬獻銑歌曲重向龍眠結草廬

哀榆林

榆林城外黃沙殷軍賊枕藉在其間從橫白骨相覆

蓋鬼雄白日鳴刀環雲梯直上女墻口巷戰自辰復  
至酉寶刀入戶血痕新還家自斬妻孥首可憐金印  
僞將軍也死通衢鬼火焚咸陽市上新妻妾痛哭招  
魂不可聞懸知飲至入西秦定有稱觴上壽臣錦袍  
玉帶繡麒麟曾是金門射策人吁嗟乎榆林空郭鬼  
啾啾當日招降萬戶侯

姚端恪公詩集卷之三

乙酉丙戌

贈王元昭

一從京雒黯風塵文士塞默少精神鍾牙郢匠千古  
事豈謂知音在海濱王君意氣何糾糾口誦新詩耀  
珠斗全編零落十八九自云遺在古塞口我詩流失  
在長安兒童稚女等閒看當時慘澹經營意湘娥寂  
寞倚闌干江淹別賦已消魂况別生平詩與文早知  
神物終當化悔不臨風月下焚大沽海波碧如酒愁  
煙黯澹縈楊柳相逢相別不淹旬天涯萬里莽回首

寄宋其武

相別疑昨日逢人問死生夢醒餘涕淚河海各奔傾  
病骨勞中健遊魂定後驚江關晴歷歷不應我還行

其二

高堂華髮在汝我宦遊非萬死今誰問餘生不可歸

時正議北樓臺滄海結雲雨帝閣飛北返揮殘泪何歸之罪

山採蕨薇

其三

我於君更苦堂上謫書新時大驚鵲張羅急饑鷹

索脯頻短兵思自刺長跼向誰人知爾天涯外悲歌

淚滿巾

和大人道病詩

荒亭卧病泣龍髯予北歸卧病金山長跼烹魚淚更添蕙苾

定知擠馬援菊松何事滯陶潛大人兩乞休為兩臺手札慰留勞臣

掩泣悲燃豆年少橫戈更煮鹽焚却雕弧休射賊爰

書露布兩無嫌大人城守手殪一賊魁功次第一

野鶴孤雲夢已甘重勞繒繳慕蘇耽初止革任金鷄肆青

初飛五市虎同聲更過三閱世不堪歌蜀道投詩何

處弔湘潭孤臣倘雪明珠淚老傷丹厓結草菴

荒城鼓角峴雲陰病骨支離直至今伏枕髮髯三月  
白閉門風雨一春淡刀鳴短劄聲何急石剖陵陽淚  
不禁獻賦長楊真自悞悔從燕市碎胡琴

應律條風散遠柯寒巖山鬼淚滂沱身從萬死甘薇  
蕨家隔三江夢薜蘿近釜枯魚勞結網驚弦黃雀願  
投羅懷沙總覺君恩重不敢高聲唱九歌

范釜塵生煙火遲天涯百口命如絲龍媒下食虛千

里鷓翼何鄉借一枝

時鬻宅

白壁剖心天闕遠明珠銷

骨暗中疑北堂萱草無顏色不及牛衣對泣時

同時按劍定兵符亦有承恩侍掖梧敢望萬家封卽  
墨寧知三至中萊蕪蓬蓬霜鬢銷金甲炯炯冰心碎  
玉壺辛苦峴山諸父老寃聲猶徹九關呼

答劉大將軍

黃旗丹券大河干河上河魁倚劍看朱鷺高騫瞻羽  
節青禽遙裔贈琅玕牙旗月繞江濤壯玉帳春開海  
日寒鏡吹擬成需露布淮淝不數舊登壇

春日掃王父墓卽事六首

在小山去城三十里

杜戶蹉跎看春荏苒忽策騎臨高川原改色  
谷風何來入我襟袖竊愁中人不覺爽然自  
失矣

斗室春光駛林塘曙氣多青圍峰改色綠漲水增波  
亂後風流盡愁中節候過黃鸝如有意柑酒莫蹉跎  
拜掃墓上松栝蒼然青衫徒步淡自悼矣憶  
神京失守拜縊攀龍豈意復及此因以北瞻  
天壽無淚可揮人子人臣悲來腸裂普天率  
土將毋同乎

白袷朝湖日青袍掃墓年至今疑夢寐不敢問山川  
竹漬龍髯濕松圍馬鬣圓忽揮 陵寢淚日斷朔雲  
邊

人情蜀道世變齊諧見田間野老柴門晝掩  
巖谷林木朝夕檐宇視春若忘勞勞者疑以  
爲從桃花水問津也

野老疎籬隱看春不記年倚檐山匝霧高枕澗鳴泉  
柳葉分桃徑蔬花間麥田誅茅如可駐散髮望江天  
暮宿雲臺寺步月寺外回首而眺若不知有



寺者蓋喬林隱然矣俯視地上誠如蘇子所  
云積水空明水中荇藻交橫因思今夕何夕  
也

古木深藏寺沿籬竹徑迴暝鐘萬壑靜新月半林開  
心共栖鳥定身疑駕鶴來幽尋憐一夕清漏莫相催  
過王氏園見盤梅者小枝拂鬱大枝矯折附  
之以塗束之以繩因思往昔市上所見爲龍  
蟠虬屈如欹如偃可喜可悅者率用此法也  
梅而有知德耶怨耶雖然人寔欲之梅其得

已乎顧視衆卉馮生梅其悔爲材矣

衆草甘爲伍孤芳豈受憐委蛇寧玩世屈曲畏逢年  
束縛酬知己蹉跎願棄捐安能幽谷裏峻幹拂雲煙  
席地浮白面崇岫俯曲谿高樹爲蓋亭午陰  
陰隔墻木筆特灼爛可喜一觴一咏以醉爲  
歸是日清明也

春林無不可谿岫况相宜藉草氍毹煖攀花翡翠欺  
爐風催蕤酒瀑雨對傳卮令節供疎放狂歌倒接巵  
懷婺守王楚先同年

仙郎高第領專城八咏樓前夏木清重見袁宏臨水

驛宏守東陽

豈如嚴助厭承明雙旌晝轉棠陰合五馬晴

巡麥穗平倘念長楊同獻賦應憐東峴舊琴聲

時大

東陽令

被議

答莊年兄

尚憶裁詩燕水寒離尊祖道裂齊紈寧知靈洞攀仙

藥重念青谿有釣竿燕乳雙梁芸閣寂雀喧三徑草

堂安五雲忽下烏皮几長把琅玕仔細看

寄懷方坦菴師

北固沾衣涕未乾挑燈豈意復長干高臺拌洒雍門

淚短髮兼焚杜甫冠

時師已方外

春草萋萋當檻碧寺鐘

歷歷度谿寒倚筇側帽穿林立猶作邯鄲夢裏看

浮家江上一帆低相送離憂到雪谿亂後摠衣期易

左愁中閉戶日難西遙憐白社空薇蕨倦聽青山又

鼓輦初度此年真不易吳雲越樹杖還攜

寄張坤安中丞

五雲深處捧青鸞全越風煙攬轡看地偏東南登禹

貢天分旌節領周官霓旌晝轉江濤合雪戟晴開海

日寒懷古倘臨秦望上玉津臺榭舊鳴鑾

憶醉嗣宗花下亭別來風雨雁冥冥吳山建節瞻真

氣淮水垂竿漫客星北望芙蓉雙闕冷愁看楊柳六

橋青神州幸有夷吾在肯使揚波近紫庭

巡旌應歷峴峰西雙峴琴花望欲迷萬死艱辛歸蕙

苾九關陰雨亂虹霓訟寃谷永書還在報最劉寬願

已睽肯令擔簦諸父老天門伐鼓獨含凄時峴民爲我父頌寃

關下

夏日飲石嶺伯父水亭

夏雨寒生沼榭秋開尊咸籍並夷猶籬花紅委石前

徑堤柳青浮水上樓拭几彈棊堪坐隱倚櫺垂釣北

虛舟停杯醕酖晴雲出漸見荷珠月影流

送秦復齋守新安

桂殿華棖動五雲焚香侍直夜氤氳龍樓浥露虛仙

掌鶴駕將琴送使君谿滙呂灘竹箭駛天迴白嶽薛

蘿分繇來吏隱稱難得况復中原赤羽紛

雨飲張孺野水亭

水榭風軒夏更宜雨餘新漲坐傳卮輕棹細槩穿橋

如華情公詩集 卷之三  
度短檻斜楊夾岍垂赤羽橫空唯縱酒白雲拂案且  
彈碁笛牀舞袖疎簾隔玉樹繁華憶昔時

納涼

疎林平楚挂澄暉散髮招提暑氣微  
暝磬爐煙孤梵轉籬花岍草亂螢飛  
北山徙石謀空拙東海揚塵事已非  
筇杖木瓢無不可長攀雲樹製荷衣

酩酊

酩酊垂鞭過曲塘禾風蓮雨拂衣香  
魚腥側挂斜陽淨犢背平鋪碧草長  
身世漸疑鴻爪雪風煙未束鹿

門裝買山築塢真無策始信張融不是狂

對竹

叢竹陰岑花徑寬花瓢逃暑竹風寒  
奠序山中成甲子桃源洞裏倦衣冠  
夢回蕉鹿芳尊遠影戢林鳥小榻安  
欲共海鷗長嘯傲莫將方朔歲星看

渡湖

曹邨曾浪宅石臼更浮槎高岫沒雲影  
朝暉走浪花吾生甘野馬此地近悲笳  
湖草青青外殘紅血濺沙石臼湖通溧  
水高淳諸邑

其二

二十四村好村村水四望浪翻菱葉白日吐苕花黃  
漁舫家家繫河亭曲曲藏同門吾好友兼露近何方

承天寺

在黃池自湖向蕪湖路也

古寺不知路樵童引杖行柳谿孤徑轉松宇一鐘鳴  
遠遠晴帆度微微沙草平禪心何處印卽此悟無生

同齡若登舍後山

午炊無薪拾松子策杖便入荒山裏高藤短刺罨人  
衣闕盡人情猶喜此張子拓落興翩翩手披榛莽入

蘿煙尋幽不肯踐古徑茫然遂登磐石巔卧石長嘯  
迴生風浮山巖洞玉玲瓏傍峰四立競顏色流光吐  
翠搖煙空當筵長流曳碧帶蓮舟漁舫往來通俛仰  
神思接浩渺便欲乘鸞駕彩虹其餘羣石亦林立欹  
斜磊落狀非一淡莽圍風罅竇空蘚苔溜雨斜藤入  
弄石吟山不可歸驚看林抄挂斜暉山左尋山山右  
返竹煙松靄空際飛木瓢筇杖無不可谷口桃花何  
處稀

簷寓

觀省龍山雨暮投止及曹君之門假宿不果  
遂藉草檐下有風卒然起于林莽之間從者  
驚愕起曰此虎也張蓋以禦之予堅卧不起  
卒亦亾恙蓋此地之戒心久矣

初漏高門閉空檐帶雨眠虫吟當砌切虎嘯挾風傳  
欹枕行雲度披衾古木懸汲車張蓋立新措草堂偏

登青浪洞

在小龍山後是土人避賊舊址

靈巖千載悶蒼苔獵客穿雲逐鹿來古木四垂沙徑  
沒暗泉不斷石紋開家家鋪荻鷺巢穩曲曲攀蘿鳥

道迴更欲尋幽篝火入莫教天末夕嵐催

風林

葛園雜作

風林雲嶠舍西東石磴沙谿曲曲通虛谷松杉晴亦  
雨遠洲菰荻水疑空雪鴻飄泊枝初穩塞馬浮沈策  
孰工却笑桑陰青壠上猶談兵略鹿門中

秋色

重歸墟里度重陽百戰山川菊更黃處處登高堪記  
憶淡淡舉酒對蒼茫平湖風定寒潮穩疊嶂雲開夕  
照長秋色可憐兼晚霽相遲新月返林塘

橫塘

橫塘曲岬近墻東散步群山暮色同微暝松林秋水  
側半紅楓葉夕陽中鷄栖茅屋禾場靜犢返寒原霜  
草空漸見月明如可掇新尊歸向菊花叢

尋月

菊尊泛月月淡淡逐月開籬恣遠尋獨樹水田雙映  
影片雲來往遞傳陰池陂犬吠成孤立褐幘寒生識  
苦吟清境留人歸不得一任栖翼戢平林

草堂

門迎秋水半林遮藥圃禾場處士家地僻茗憑松子  
藝杖貧酒爲菊花賒桑滄夢盡唯歸里櫟社才窮甘  
種瓜客過草堂無洒掃鳧葵蝦菜飯胡麻

灸背

閉門灸背水雲清回首長楊從獵情瓜指故侯難辟  
世訶來醉尉幸逃名曾回湖落沽魚賤村僻秋豐糴  
米平鎮日垂簾車轍絕楓霜松浪足逢迎

仲蔚

謂張子齡若也幼兒受業于其室

墻東仲蔚傍柴荆書幌貧廚共一楹酒釀黃花秋色

永爨炊紅葉飯香清授徒床下妻全慣得句窓前客  
不迎近作登高圖更好滿堂楓柏挾霜聲

比鄰

比鄰小隔竹煙微揖客開尊便掩扉霜落罾亭魚正  
美草枯獵網兔初肥家偕阮籍添疎放謂叔城起婦慣劉  
伶息怨誹酒起慵梳兒每笑昨宵倒著接離歸

小立

午餐信杖出柴荆小立秋原野色平桃卧石磯分釣  
影松傳遠谷挾樵聲淺罌泛泛群兒汲朱果垂垂稚

女擎衆鳥不譁山正寂鄰春谿杵數聲鳴

藉草

藉草陽坡刈坐平背風迎日晚寒輕煖回花蝶低低  
折天淨雲鴻字字橫慣逐牧童呼爾汝閒看樵女下  
崢嶸短衣側帽吟須細莫浪高歌亂笛聲

垂簾

茶竈烹鷺間一椽布簾淡下隔風烟呼鷄啄黍寒毛  
整醉蟹停秋霜味全石穩小床書案偏竹分新牖薤  
畦連閒持短帙迎暄坐恣意長吟向晚天



女詩公言集 卷之三  
楓子

三世簪裾四十霜竹軒茅舍尚荒涼  
墻頽久借松薪拒爐冷全憑楓子香  
散髮灌園堪自老叩門乞食欲  
何方龍山更說悽清甚五柳檐前秋草長

寄黃玉耳將軍

投壺雅咏夙知名七萃霜寒幕府清  
天柱懸峰搖旆影海門高浪擁軍聲  
垂綸久毀長楊賦杖節新開細柳營  
近得龍山書訊至松醪叔度喜同傾

憶龍山

陶令歸田拙傾囊賃草堂柴扉觴客處  
竹牖讀書床鄰圃分蔬麥豐秋乞糶聚  
石林盤舍北竟日嬾衣裳

其二

舟病萱親獨還山二豎新藥罌羣假借  
醫榻動逡巡挂壁通猿嘯編籬隔虎嗔  
愁懷那聽此不獨杖錢貧

其三

雲木孤簷隱晴沙一徑微遲賓茶竈冷  
釀秫酒罌稀幼弟盤爭栗鄰家篚餉薇  
閒門寒更寂風葉亂飛飛

其四

效端恪公詩集 卷之三  
擬侍浮山杖龍山杳不來  
听楓霜自落谿菊雨空開  
新穩詩誰和飄零酒孰陪  
定知無意緒短絹畫秋苔

寄李銜帖同年

石城蕭寺晚煙低  
草榻同聯竹檻西  
惜別各天淹日月  
停車一水判雲泥  
高旌風卷江濤壯  
小徑霜寒野樹齊  
倘辱使君垂問柳  
村莊應並浣花谿

方子貽索詩走筆賦贈

新亭惜別草綿芊  
勞贈清詩十七篇  
風雨亂紛鴻雁序  
管笳吹斷鳳皇煙  
歸吳菰繪情空切  
訪戴雲山興

杳然獻賦長楊吾已誤  
請君莫羨祖生鞭

樅水湯湯處士家  
我依浮渡望煙霞  
舉觴但對柴桑柳  
洒淚難看杜曲花  
錄別只今淹歲月  
相思豈必在天涯  
袖中錦字猶存未  
青壁淡淡暮靄遮

列戟霜寒幕府清  
松醪永夕喜同傾  
錦囊貯句今多少  
別墅彈碁定幾枰  
才子陳琳能草檄  
主人黃憲舊知名  
相逢不用歌車笠  
回首白門折柳情

侍大人西峰花酌

春風搖落杏花村  
春水桃源酒一尊  
倚石高臺舒眺

女詩人言集卷之三  
矚宜人天氣刺寒暄雙峰中斷夕陽出孤澗遙催宿  
雨奔醪酊不嫌沙徑濕竹林初月待柴門

飲月珠菴桃花石上

春澗小橋東桃花路可通光開淡竹裏粧炫夕陽中  
拂石草堪藉徵詩酒不空轉憐風雨驟零落杏村紅

春霽過月珠菴

橫峰曲澗小橋淡煖徑交喧乳燕音虎嘯隔谿風閃  
閃龍鱗逼岼水陰陰幅巾自許歸花事藤杖能供選  
勝心沙蕙石楠無近遠微香浮動不堪尋

衝泥

屐齒衝泥出橫峰霧未開松林搖細粉蔬圃潤淡苔  
閃閃斜陽見涓涓石溜催安能樓百尺積雨當登臺

短杖

短杖纔隨手長吟便度阡遙嵐松岼合宿雨麥田穿  
脫帽風吹頂披襟月上弦遠湖懸匹練相送竹籬煙  
祝桑于門太守

十年烽火徹孤城來暮新傳江上聲政最潁川黃相  
國禪心天竺古先生雙旌晝轉棠花靜五馬春巡麥

女端情公詩集 卷之三  
穗平此日稱觴官署煖綠尊應並玉壺清

過石巢

石門石磴石中亭石上平臺松杳冥塔孤臨睥睨  
出雲峰橫隔大江青空梁紫燕曾經入老樹黃鸝不  
可聽正憶步兵新度曲當歌一顧玉簫停

飲胡篤民石巢中芳潤校書徵詩卽席走筆

嬋娟春泛木蘭舟十斛明珠水上浮借問玉人家遠  
近湘娥神女舊風流

姬楚人新自望江至

舞袖裁成嶺上雲羅衣初試蕙蘭薰手持紈扇徵新

賦三絕吾慚鄭廣文

姬同一廣文來此

梁塵飛盡玉簫停幕府霓裳酒半醒今日彩雲猶未  
散莫歌江上數峰青

一見朱顏憶是非春風髣髴畫圖齊徐郎小扇曾相  
識人在花欄竹院西

徐有芳姬待月圖

白紵青蛾舞袖偏主人雅集石巢邊從今西子浣紗  
石石上青苔不可憐

題徐靜生芳姬待月圖

石徑竹橋亭院月窻雲鬢嬋娟若令玉人對此應言

我見猶憐

飲任克家園

空城臺榭盡此日一登樓古磴垂松覆欹橋暗水流  
風移新綠動雨淨遠青浮漉酒微香發當歌有莫愁

其二

白眼一相視青萍合有神飛揚歸我輩蕭爽見斯人  
縱酒燈前舞徵詩亂後新珊瑚如可拂相伴老垂綸

偶成

蕭然彈鋏走風塵終日低眉促膝頻河魚仍自枯欲  
死海鶴何須鳴向人拔劍彈琴俱不得高談密語爲  
誰伸送窮文在徒如此坐誤山村煙樹春

滅刺

一別蘿軒滯郡城盡將風月付柴荆閉門竟夜聞鐃  
角滅刺無能廢送迎林嶠過春青更好禾疇經雨綠  
應平歸田願築譙東舍泥水吾甘謝客名

短牖

短牖依篁谷淡陰冷筆床穿籬溪水細隔樹鳥聲藏  
謝客成疎放收書接渺茫午眠還獨坐白日始知長

輕輿  
盪槩搖晨日馮輿御晚風新禾齊樹綠返照拂霞紅  
謀食慙懷橘還山息轉蓬候門稚子立蘿月竹煙中

納涼

松枝承日密竹椅面風移亭午鷄鳴柵新晴鶯浴池  
早知謀食拙翻悔納涼遲

時自郡初返

石瀨菖蒲好明朝

試酒卮

灌園

灌園吾計拙懷刺世情紛茅宇瓜藤接沙畦蔬葉分

荷鋤還帶月倚杖卽看雲猿鶴如堪狎風林共爾群

田園雜咏

結宇風林下所志在幽棲鄰靡鹿門友室無老萊妻  
苦心成獨往信杖度雲谿碧葉浮遠岫綠禾搖近畦  
俛仰但一色風日相與迷泛泛魚一浴陰陰鳥亂啼  
我無琴與酒獨步奚招攜

納涼倚修樹松竹鬱縈迴上密日華薄下疎風聲來  
仰視碧葉亂羅襟與俱開獨立罕儔侶黃犢眠青苔  
乳鷄八九子飲啄無嫌猜寧與若輩伍不與賢豪儕

所以蘇門子高嘯蘇門臺嗣宗亦不答嗒然鸞鳳哀  
曳屣池塘側仰見青楓林驕陽上翔舞水木下岑陰  
禽魚欣有託吾亦披吾襟潮落石瀨淺草長崑崙淡  
農子獨劬勞臨池輓轡音詩書亦焚餘荆棘至于今  
長戟蘊談笑太行失崎嶇我寧豚蹄歌不爲梁甫吟  
酒闌起送客策杖盼遙嶺晚村上孤煙夕嵐相與永  
風落樹聲喧雨定月華冷微雲黯然淡坐失松杉影  
犬吠槿籬幽蛙噪林塘靜吾亦返柴荆坐嘯塵囂屏

賀趙明府

山驛晴花拂綬香青鸞遙下五雲長紫芝逸氣能驚  
座綠綺絃聲不下堂何武思猶留皖伯寇恂重得借  
桐鄉荒村長跼裁魚素心在南郊竹馬行

同室人月下小飲

斜月挂茅宇山妻漉酒看家貧兼味少世亂一尊難  
駿犬驚風立馴鷄入塞安持壺兒滿席吟細促杯乾

其二

君知藏拙穩我並入林溪莫辨亾羊策空餘夢鹿心  
風涼傳樹響雲聚失花陰垂釣珊瑚冷相隨老碧岑

飲朱南征竹亭

面水茅亭敞承陰密坐移荷筒催泛酒竹粉拭題詩  
鳴樹新蟬簡眠塘暑犢遲葛衣都不著閒挂隔墻枝  
贈吳石蘅先生

先生年幾七十餘白髮蕭蕭映象梳拭壁細題晚晴  
賦開枕一讀內景書曲項鳩杖繞平手東巖西阜披  
衣走穿雲獨撥陰厓芝吟風閒蔭晴池柳薇醞逼床  
香暗生花瓢挂壁兩三傾微醺小隱烏皮几夢中猶  
度松風聲歸田余咏遂初賦釣絲晴挂珊瑚樹鳴鳩  
喃燕會笙竽青林白石縈煙霧與君並坐槿籬傍雷  
雨如飛六月涼當門池漲蒲節短隔林田散稻花香  
北窻可卧東臯嘯商山偕隱傲千霜

追弔魏子一

秦廷洒淚有征旂九死孤臣願不違秀實未揮朱泚  
笏杲卿肯著紫衣歸丹心一日堪今古青史千年無  
是非故里江深風浪險不如魂傷鼎湖飛

南渡有苛求子一者

中書舍人龔君廷祥

君長洲無錫人甲申南渡授今職乙酉五月



南都城降自沉于文德橋下家僮奔救不及  
橋近黃公觀祠

雲陰風急水揚波散髮披襟公渡河國史自留千載  
事君恩纜沐一年多橋邊素幔魚龍護輦上青衣虎  
豹訶隔听黃祠長伏臘并依鍾阜泣松蘿

哭憶 石嶺伯父

伯父遂云歿馮轎哭拜疑清貧因宦積孝友畏人知  
朝雉哀歌早將雛振羽遲七齡兒倚杖重經未知悲

其二

欲賦青門道雲天淚不禁經年停輓什一望起哀吟  
墓木悲風過佳城落照淡龍山游未厭駕鶴續登臨

其三

憶侍荆南棹雲鷗霜雁汀鱸分石首白酒載惠泉青  
竹院游如昨松門黯自扃千春薤露曲淒斷不堪聽  
寄懷姜雲滄同年

楓葉槐花覆苑墻隨君待漏獻長楊銅池久冷燕臺  
露玉節新飛淮海霜叱馭路當雙柳峻避驄人識五  
花翔草堂短褐漁竿靜青鳥空慙綠綺將

懷方吉偶

溪山無驛使浪聽返長干轉訝餘生在都忘遠別難  
潛蛟騰駭浪暝虎嘯危巒間有相思夢辛勤莫易看

其二

我春言買棹子夏已還家忽聽池陽驛重回白下槎  
浮踪淹日月別淚漬雲沙踞讀雙魚字千回不厭賒

其三

貧山何可贈過嶺夏雲多護固籬防犬穿池柵泛鵝  
有心甘偃蹇無策任蹉跎欲望長千里風江黯自波

姚端恪掛席詩集卷之四

四

謝客逃山山更喧乘流挂席勝桃源吟風酒椀吞山  
色背日茶鐺煮浪痕疎簟短衾閒不倦潛鱗飛鳥靜  
無言飽餐足睡推窻坐坐看秋波盪落暄今十餘年

無言曾發只與誰  
坐坐香煙妙盤餐

白背日茶離竟  
更更爽草臥金間  
不引替懶派鳥精

攜客遊山山更宜  
乘飛卦氣烈將飛

有心卦氣寒無氣  
任勝出

姚端恪公詩集卷之四 丙戌

登西梁山

憶昔與方二吉偶同登  
天門以日暮未得窮

江山勝蹟為恨夜偕飲  
耿靜公家今十餘年

余舟復泊此時日猶未  
下春也遂策杖獨登

山僅為賊騎一躡村舍  
尚接比如櫛出村繇

石徑蜿蜒而上右則峭  
壁十尋槎枒斗絕可

愛左則長江如疋練帶  
之少上一獨樓喬檜

青楓俯立盤辟右一徑  
得一石臺又進為一

石巖居世尊其中而土人于其前作一閣蔽之此巖遂如面牆無所得荅遠響而生長風者以爲一恨又上窺其巔則其嶙峋突怒如立如仆者皆不可得僅平沙澶延綠草丰茸而已望東天門壁立如戟然更狹似一假山在池沼中遠則姑孰諸山龍蹲虎峙吐翠萬狀來我襟袖下則洲渚浦淑綠楊與碧波相映晴帆歷歷如畫背則滁和諸峰巒隱秀天表近則蔬畦禾畛黃碧彌望間有長林覆之

村家煙火隨風聚散出沒于俏蓓青葱之間余亦恍且吟嘯歸矣大約觀天門之山宜于江觀江宜于山觀山石色宜于腰不宜于頂其大槩也嗟乎予與吉偶遊天門曾幾何時耳而今已忘昔所登者爲此耶爲東天門耶至詢耿靜公則村居者已不知爲何許人而余與吉偶長干一握手別今亦且經年矣王方平有言聖人云海水行且揚塵也始爲妄言今始洵爾山川似昔已爲有力者負之而

趨歲月如馳離索罕侶感志和之扁舟慕尚  
平之五嶽有懷靡遂俯仰愧愴寧不眷眷於  
是哉姑識以質之吉偶

少小一登梁山上蒼茫不記東與西今朝重上西梁  
山靈峰髣髴煙樹齊鑿徑穿山沙路白石屋陰岑古  
佛窄綠草上懸老松伏半壁青葱搖澄碧登巔無復  
石崔嵬哇壟洲嶼分縈迴雲落平江倒影淨日明斷  
崖空翠開臨風長咏青蓮句青山相對如朝暮焉得  
芒鞋五嶽游回首風塵莽回互

南中咏懷古蹟

景陽井

銀床蕭颯碧梧秋尚憶宮嬪繡鬢留粉黛若隨流水  
盡臙脂何愧綠珠樓麗華復為繩引出此井亦名臙脂可憐萬騎宮  
門啟不待雙蛾曉鏡收想是佳人難再得瑤臺金井  
並風流

烏衣巷

烏鵲南飛樹樹安烏衣王謝雅盤桓爭傳公子風流  
好誰識瑯琊律令寬春梁紫燕家家穩宮苑黃花歲

如華情公詩集 卷之四  
歲看賭墅彈棋成往事清談真不負長干  
王謝皆北人南渡故  
有感  
及之

臨春閣

後主風流亦絕倫吟花觴月坐臨春至今玉樹燈前  
曲不負昭陽掌上人瓦坼鴛鴦芳草歇簾虛翡翠露  
痕新荒臺野寺殘僧少當日繁華難具陳

謝公墩

平沙曲岬啟松門謝傳風流尚有墩石竹玲玎閒鼓  
吹秋花寂寞隱嬋媛天留故宅供懷古地挺荒臺更

舉尊六代遺宮泯滅盡憑高指點不堪論

勞勞亭

今昔離歌莫具陳勞勞亭畔幾秋春青衫去去誰家  
子綠柳飛飛愁殺人冠蓋至今餘祖餞亂離何日不  
風塵誰能泥水譙東舍反閉松扉對碧筠

雨花臺

誰道崑崙是水涯沂流還貫斗牛槎早知少室九年  
雪錯雨長干一里花草蔓荒臺雲半捲鐘傳古寺日  
初斜旗亭到處笙歌沸不異潮音轉法華

金山寺 金山舊有六亭今止留雲吞海存

塔自臨江峙亭從吞海名丹徒微嶂接瓜步一沙平  
白日龍吹浪清秋雁度城天風羅袂舉真欲駕蓬瀛

其二

晴閣層層敞風濤面面號石穿蛟殿圻雲抱蜃樓高

吳楚迴孤柱孫張復我曹

昔人評金山詩以張祐孫魴為第一放歌凌

絕頂秋氣徹林臯

其三

尚說龍王廟猶餘忠武祠風江如宿昔雲旆憶當時

石磴坐懷古塵崖沈讀詩中冷堪手汲滿載夕帆遲

至金山始知張處士樹影中流見鐘聲兩岫聞之  
句真至自然上句尤奇秀以樹影止在岫側中流

見者唯金山耳李崆峒自題石壁上有吳楚地形

伏江淮秋氣來二語亦自渾健誠不減韓陵一片

石也時丙戌八月二十三日啜茗於湛之僧舍

揚州喜晤蔣赤臣

赤臣與予同業春秋家言

玉杯同獻帝京遊並許雙龍駕十洲此日英聲喧鶴  
禁當年菟苑割鴻溝青煙蒲柳隋堤晚白露蒹葭邗

妙端恪公詩集 卷之四  
水秋茲土相逢重騁望仲舒遺宅古揚州

半船圖和韵

邗上訪張稗恭園中邈若隔世人落月屋梁  
疑在夢寐忽出陳涉江半船圖索和詩渚煙  
驟合湖雨欲來此子宜在丘壑中又爽然自  
失矣交朋雨散世變輪雲又安得借畫舫徑  
入武陵源哉

張子持新畫邀予說卧遊煙雲不敢散林壑爲君留  
葉亂隋堤樹潮通邗水溝應憐佳麗地無夢到原丘

其二

一折燕臺柳三開楚澤蓮離心春草亂浪跡夏雲遷  
煙渚懷虹飲風林想鶴眠桃花津可問同泛武陵船  
寶應晤李令君叔則

水署鳴琴不下堂城頭姑射暮蒼蒼青牛關裏來真

氣

李秦人

白馬湖邊飲練光月靜訟亭松子落雨肥秋

壠稻孫香自公多暇詩成帙早晚青蓮侍栢梁

夢華歌走筆李叔則兼懷張稗恭

醉後忽夢二華山不知其幾千萬仞但見千崑萬壑



之槎枿霜雪不死芝苓如麻石屏中開元君所家浮  
雲欲出不到頂六龍失氣回日車玉女千春閱精魄  
君輩突兀吐菁華李叔則張稗恭割據二華金芙蓉  
筆起霜空騰一鶚詩成風海鬪雙龍我來寶應縣李  
侯數相見手出枕中文兼持十幅絹滄江滾滾走堂  
前雲峰霧縈開生面江傾岼折吐文章胡琴擲碎連  
城賤我卧龍眠山草含煙蘿間書焚不復讀詩成不  
復刪西施甘死浣紗石不向人間逞玉顏露吾頂爲  
君飲披吾襟爲君吟悲歌忼慨酒人態磊落崎嶇我  
輩心吁嗟乎天地大文不可舒搖精走筆何爲乎他  
日六丁怒巨靈吁收君書置宛委湖不若晦穎和光  
學酒徒酒餘醉夢華山頂金闕銀臺光有無

曉發宿遷憶音

茆店鷄鳴枕寒郊馬散鈴殘星帶水白淡霧失山青  
桑海何時變風塵未許停畏塗兼雨雪小舸夜曾經

九日道中

去歲今朝浮渡北今年走馬大河傍賦詩飲酒意欲  
往脫帽鳴鞭日未央片片晴雲過水白平平秋草出

沙黃却懷諸弟龍山小解插茱萸媚北堂

過蒙陰宿寨子集

辜負蒙山茗北來山更淡四峰圍晚翠一月起秋陰  
下馬便孤往登臺寄遠心放歌寧寡和松栝有清音  
客有言寧武關周將軍遇吉事者作歌以誌

寧武關前賊騎逸寧武將軍披甲出壯士身當百戰  
餘小臣誓守孤城畢積骸棄甲與城齊城邊飛騎踏  
如泥將軍死戰雲梯側血污鐵衣歸不得賊騎城中  
血洗刀夫人初著錦戰袍矢房蒲盡弓弦絕手揮霜  
劍如剪蒿歸向高樓縱火死白虹貫日暮煙紫我爲  
忠烈歌國殤招魂好侍鼎湖傍

追輓吳南蒼

我友吳南蒼妙年卽長夜胡鷹失遠擊神駿屈短駕  
懷古有八章貽我扇一把忽聞絕命辭

南蒼臨殞作數十首悲

風捲虛榭遺集已飄零誰定連城價寂寞身後名况  
乃千霜下夙昔憂子形秀羸如枯蔗亦謂難永年豈  
知遂速化日出扶桑晚春煖蘭英謝草草玉樓人悲  
來淚如瀉

木末曉憶葛園

葛園深處有荆扉水折山環空翠圍  
桃花源裏少離別竹葉杯中無是非  
悵悵登車成一往朝朝遠望豈如歸  
草霜沙月征衣冷回首匡床蝶正飛

途中喜晤歐陽銓部兼謝惠酒

繫菴舊為儀真令

仙令調絲聲未央山公清著芰荷裳  
寒來賜被歸蘭署朝罷揮毫咏柏梁  
白眼只今憐我輩青尊何處是他鄉  
秋原落葉風沙捲愁索侏儒粟一囊

勞贈雙瓶慰鬱陶章丘淥酒古羊膏  
雖無玉盃盛清影不數金魚換濁醪

曉褐衝寒霜氣烈朔雲排雁月輪高

此時細舉蟹螯酌畢卓風流逮我曹

任丘見元達魯花赤野僊德政碑

元為莫州地屬鷹坊狗監

射獵之所

碑碣何時立相傳大德年鷹毛飛  
禁苑馬影靜秋田海市三桑換官亭  
一石懸我懷古遺愛憂世淚空漣

宿白溝河弔古

是李景隆喪師地李夢陽有哭白溝文

易水寒風夕白溝古戰場塵沙埋斷甲  
煙霧黯斜陽龍虎鍾天表貔貅付國殤  
崆峒文尚在凄切不能忘

莘城

督亢地

沃壤號幽燕名城沒古煙荆卿只一獻此地獨千年  
總戎張君有寵姬能歌舞而君顧以僕僕無寧  
晷也朝斯夕斯居然契濶矣酒次爲予言且  
舉觴而謂予曰子其爲閨怨十章我飲若十  
觥飲畢而詩不成者以倍罰之予因走筆如

張君言

繡幕珠簾閉寶絃堪憐夫婿惜芳年  
熒熒牛女空相對誰道銀河在九天

春風桃李惜芳菲秋雨梧桐葉更飛  
捲鏡手愁開玉匣畫眉人似隔金微  
容顏初日映芙蓉翠袖雙迴舞閣重想是承恩不在  
貌獨令虛幌照高春

竟日長齋繡佛前高樓裊裊拂爐煙  
爲感郎君真繾綣不勞洲渚羨文鳶

玉勒花韉日易西翩翩歸馬一聲嘶  
小爐細拂茶煙裊急整羅衣出繡闥

月滿樓臺花滿亭牙盤群列五侯鯖  
綢繆總覺君恩

重况復夫人惜小星

風沙漠漠紫駟迴寶劍如冰映日開意氣錄來山岳  
重肯教歌舞戀陽臺

濛濛新月透簾紗寂寂深閨掩落花翠幙繡幃真只  
尺猶餘幽夢隔天涯

玳瑁梁淡海燕栖翩翩比翼競高低粧臺獨對朝雲  
冷恰有紅顏鏡裏齊

珠被透迤穩稱身冰盤玉箸日相親那堪月靜天如  
水悄悄羅衾若有人

重晤劉元公夫子詢及家君及筵別後狀歌以

當泣情見乎辭

鐵駟西來萬事非月明烏鵲黯南飛城邊敝褐衝關

險海上孤帆破浪微

子自津門汎海

離夢猶依張禹帳淚痕

空濕老萊衣羈臣未返丹書定遙拜高堂泣燕磯

子以

被議不敢入南觀省

欲問高堂淚不禁雲羅風弋黯相侵九歌難盡椒蘭

怨一篋誰憐蕙苾心瀛海潛踪蓬浪淺天門伐鼓亂

雲深隨身短劊刀鳴急愁殺西風變徵音

時大人以殺賊城

守被誣  
嚴逮

不意餘生得草萊豈知琴缺更燕臺盡揮桑海三年  
淚重侍桃谿酒一杯梧栢寵深差自慰蓼莪歌斷可

勝哀時夫子  
丁內艱雲天回首魚函少轉恨荒山冷驛梅

喜晤成青壇

未得臨清別霑衣只夢中豈知河上水直汎大江東  
霜冷三山樹煙餘六代宮故人青雀舫高咏幾時同

青壇以乙酉典試  
江南予在山中

其二

雲峰慙豹隱風浪枉魚書一葉貧難買連枝病亦疎  
芒鞋孤壑轉草閣半林虛遠道無繇贈憑高泪滿裾

其三

故人多異代君我尚同時白眼重相視青尊不易持  
雲龍會並躍天駟已先馳萬事成回首寒燈密坐遲

龍懷歌

龍懷者懷龍也龍者邑山也我兩尊人廬焉  
故懷之也曷不曰懷龍爾曰龍之懷也視懷  
龍者殆有甚焉岷岵之章曰嗟予子也嗟予

如端恪公詩集 卷之四  
季也故曰龍懷也

有客有客生不諧昔者若侯今龍懷我懷龍山羽翼  
乖河漢無梁天無階安得浮雲與我偕我騰而上登  
龍厓吁嗟乎我懷龍山阻且修白日爲我踟躕愁  
我懷龍山窶且貧茆檐土室編荆榛山鬼夜嘯虎晝  
噴旋風簇沙如轉輪盎無斗儲爨無薪昔日繁華今  
苦辛吁嗟乎二人胡爲龍山裏悲風爲我動地起  
我伯我伯遂長夜佳城亦卜龍山下陰風颯颯哀湍  
瀉總帷只尺飄虛榭粲粲弟妹髮相亞十年代伯畢

婚嫁吁嗟乎爲我謂伯何不仁我父爲伯增苦辛  
有弟有弟羅成行讀書走筆誰最良高山產樹願樹  
長阿母鞠兒願兒強兒饑餬糜寒衣裳終日車輪轉  
母腸吁嗟乎有子八人母氏苦生男何事哺用脯  
有妹有妹字鳳儀昔侍華屋今茆茨別時容易見時  
遲一見阿母淚交垂往年珍女瓊樹枝今年棄女斷  
機絲吁嗟乎妹兮努力事嫜姑但願妹家毋不如

壽高郵隱者

香山居士芰荷裳雀舸樵車足徜徉手植松陰隨歲

長自移瑤草拂堦長魚傳贊社銀絲色酒到高郵琥  
珀光蕭酒知君多逸興飛觴况值菊華黃

喜重晤王敬哉

海畔雙帆淚暗揮烏衣宵過復沾衣可憐碧海桑三  
變不待金城柳十圍吏隱我猶艱小草宦遊君况是  
當歸朱門舊日枌榆地池上新看鳳羽飛時長公新捷  
寒燈密坐酒飄零玉節當歌月上櫺天寶梨園髮未  
白竹林儔侶眼重青人疑隔世初相識曲變新聲黯  
自停繞樹可憐烏羽亂羈栖還借子雲亭子時假寓敬哉別舍

讀岳朋海近詩因憶昔時同志諸子感賦二章

太華五千仞照耀金芙蓉之子蘊瑰秀枚馬繩高蹤  
筆或風雨落思與鬼神通天門爲子開雲霞盪心胷  
銀河倒毫末練光飲飛龍置身碧海上金臺十二重  
南方有佳人玉珮空琤琮寂寞苧蘿村蘭膏誰爲容  
同袍二三子宿昔青雲客龍媒躍蒲梢霜鷹整勁翮  
談兵氣益振漉酒腕相搯海枯若木傾波盪天門坼  
故人多異物蒿里如只尺爾我各餘生千里夢不隔  
驚魂午夜遊十步九戈戟魂往戰塵黃魂返陰燐碧



曉鐘何處來此身復枕席豈期異世人重聚金臺陌  
相見白眼青相對青髮白曲室覽遺文勦寇餘三策  
絳灌薄賈生百二供一擲明海昔有三策首請救孫督毋出關萬事付  
浩歌攬淚如潮汐

上劉孺翁先生

軒臺新鳳曆璜谷舊鷹揚公舊為司馬尺五天門近魁三

景曜光蓼莪悲卧雪松柏迥凌霜鳴玉依龍袞縱金  
建鳥章峩冠司北斗崇級領東方曳履星辰上攀鱗  
日月傍胤侯師命掌方叔芾斯皇紫氣縈鈴閣青雲

滿畫廊棘槐瞻瞻藹桃李侍趨蹌小子依臯比吾師

托雁行公吾師元功夫子兄也傳經劉向舊辟地管寧藏一月

燃藜火三春燬栢梁觀煙迷鳩鵲殿瓦坵鴛鴦刀鋸  
微生忝迤邐宿命涼草憐書帶長花冷筆床香將父  
慙懷橘無家類宿桑毛生方捧檄盧植更升堂灸自  
牛心割名從驥尾彰蓬山梯可陟碧海葦難航倒屣  
中郎鑒傾貂賀監狂古人垂注惜才士各騰驥此意  
歸前輩虛懷答彼蒼紫駟邀眄睐黃鵠附翺翔舊有  
長楊賦吹噓達未央

飲董良合同年邸中後彼此相過不值詩以代

箋

青燈密坐酒初酣銀箭丁丁漏已三太乙燃藜空冀

北小山叢桂出淮南良合贛榆人舉於北闈柳霏窳巷勞題鳳

竹間玄亭正駐驂何日銜杯重勞苦從君石室啟金

函

追步湘揚女子壁間題韻舊題在涿州南三十里之三家店詩在店

堂之右左室之右壁

洛月巫雲散冶粧墨痕香氣寄微茫宮詩半壁清如

許想見春容照海棠

團扇流連為憶郎杜鵑春淚化啼鶻章臺依舊青青

柳不假虞侯試劍鉞

並蒂芙蓉一水香女牛偏隔水中央人間若識神仙

苦珍重春風舞繡裳

石中生雪中見訪詩東以誌夙懷石為同年張

天柱所得士時典試江南故并及之

杞梓千章出漢津中生出自楚近從燕館市麒麟玉臺賦

雪誰能敵金谷徵詩復有人玄草疑分宮錦色青藜

常照筆花新君家絳帳今吾土回首南雲雁字頻

思婦辭效初唐四子體

廣陵曲巷忽聽高樓琴音哀斷有舞蛟別鶴  
之聲異而詢之鄰嫗曰此新娶也束笄于歸  
未朞而寡投繯誓殉氣絕復蘇家貧親老遂  
致再適哀思抑壹此聲所爲來也予聞而悲  
之爲作思婦辭

高樓有女拂金徽珠淚泠泠奏楚妃鴛鴦塚上原雙  
宿燕子樓前本獨飛憶時初嫁貼花黃二八郎君共

曲房捲鏡手開雕玉匣畫眉邀近鬱金床妾亦青春  
花可憐明妝澹掃艷神仙松羅千歲驚風折蒲柳三  
春擲水眠郎君一去悲黃鵠羸女宵停栖鳳曲寶鏡  
如水不敢開紗窻映日爲誰綠妾時攬淚一從君手  
繫雕梁白練裙不及馬嵬銷玉骨可憐巫岫返香雲  
一自歸寧心事阻貧家鞠女空辛苦高堂白屋髮如  
霜賤妾紅顏淚如雨妾心一日九迴輪欲報親恩敢  
顧身鸞袖欲揚懷舊穴蛾眉重掃事新人新人珠箔  
掩璇閨寶瑟銀箏暗苦悽青陵臺上梧桐樹千年猶

說仲卿妻

重過維摩菴晤法如師弟

往年避賊維摩室行者捧茶髮如漆今年重上維摩  
堂變爲僧雛如我長借問舊僧半凋喪別時肥澤身  
豪彊老僧不去亦不死藍縷黧面上佛香四角六時  
嘶戰馬鳴鐘撞鼓割中央六龍騁轡不轉眼東海揚  
沙起扶桑坐久忽出詩數卷乃是當年手評選初疑  
隔世見故人又如汲冢撥周典丹鉛真有六丁呵藏  
書轉覺一西淺癸未進士古銅章金子冲玄之所將

印色慘澹彩匣完忽念故人心慘傷憶昔訛傳賊洗  
城菴前鐵馬刀鎗鳴我時奔走藏複壁稽首世尊心  
膽傾爾時蒿里不呼吸三年豈意向師揖群蛇偷生  
龍上飛俯仰去來紛雨泣

同董良合石中生劉濶柱朱梅麓夜集黃鷗滑  
宅

才子風流聚栢梁金魚換得玉瓶香彈棋頗憶南皮  
逸漉酒相傾北海狂欲雪寒威避几席經冬旅思失  
淒涼行杯小史明初日疑醉邯鄲錦瑟傷

如華公詩集 卷之四  
曉雪偶過王鐵山廷尉煖閣奕飲賦得十六韻  
素雪明淡檻寒雲凍曉天比鄰王翰切高閣李膺連  
徒步當飛靄羈貧謝錦鞵龍媒慙眇眇牛走辱周旋  
未載揚亭酒先分阮杖錢應堦瑤草積偏案玉柯懸  
疑授梁園簡強浮剡上船筆床輕翡翠書架積楠榿  
棋憶南皮逸杯傳北海顛酒仙歌可續吏隱道能全  
玩世凌霄鶴觀心得蔭蟬悲歌歸戲謔酪酏閱風煙  
蓬海生桑後花飄挂竹前良園依嘯傲岐路失迤邐  
割炙分周顛藏書屬仲宣蒼茫前輩意感分托長箋

同季千里年執奕飲王鐵山先生煖閣因徵近  
詩賦以誌感

藥堦花徑草玄堂漉酒彈棋冬晝長玩世只容金馬  
隱藏身甘蹈竹林狂誰憐藜閣書三篋難捧侏儒粟  
一囊欲問新詩零落甚吞聲愁說舊長楊

金臺冬嘯雜詩

縞素東來擁繡弧六龍驤首逐飛狐報韓國士應歸  
漢橫海將軍又渡吳但願天心銷戰伐敢從人世說  
歡娛馮高重向西山望落木寒嵐翠有無

玉勒金魚半儼然獨餘衰草茂陵煙難聽銀海新飛  
雁愁說琴臺古杜鵑槐市場沙寒日暮梧宮落葉朔  
雲天不堪醉倚燕姬睇翠袖香鬟似昔年

款段垂鞭一刺勞黃塵淡處朔風高道逢代馬青絲  
絡臂著霜鷹白錦毛莫唱吳歌驚冀北重翻天問補  
離騷文園近日悽涼甚綠綺朱絃不敢驕

貫酒徵歌莫論錢簪裾猶似五陵年銅臺鼓吹聲全  
歇天寶梨園髮尚玄不惜餘生供感慨未逢知己亦  
沈綿閉關真覺劉伶穩浪把風流說七賢

五君咏劉伶善閉關

藏情滅聞見

凍雲輕雪掩雙扉搥鼓彈棋生事微北里嬋娟如昔  
少江南朋好到今稀溪慙虎觀徵賢急總悔羊裘待

詔非寒旅鷓鴣猶未買憑誰典得玉瓶歸  
芙蓉雙闕隱相望千歲黃雲覆苑墻竹老連昌森似  
束松分五柞儼成行夜溪鶴浴寒塘月宮曉烏銜落

葉霜記得小臣曾獻賦鳴鞭宵度御河傍

小龍煙徑竹成圍陶令餘生寄釣磯

大人隱小龍山

白髮經

年愁易長青山今日遯難肥鋤瓜種秫知多少掃雪

妙端怡公詩集 卷之四  
看雲無是非遠望當歸當不得還憑幽夢叩柴扉  
來往風塵黯自悲秋原煙樹盡堪疑重經戰馬歸南  
地又值賓鴻背北時谷口耕田猶負愧東方索米敢  
嫌遲但祈細柳銷金甲歸傍松蘿結草茨

寒邸雜咏

寒燈冬易盡獨坐漏難淡無酒驅長夜將身温短衾  
預知離夢苦甃避壁風侵少婦誰堪買東方少賜金

其二

翠袖倦風塵停歌黯自陳妾身元故舊無語只酸辛

尚有良家子君非薄命人古來青塚上香淚濕松筠

其三

顛狂疑縱酒風雪不還家下榻詩留壁圍爐客點茶  
趙姬棋一局傲吏鼓三撾莫說窮愁字餘生願已奢

其四

新朝真浩蕩故吏復長安久識餘生苦休言待詔難  
黃雲埋玉盃青浪匿魚竿

龍眠有青浪洞

進退兩維谷孤燈

不記寒

其五

亂後故人少別來見我憐陶潛有白社李廣足藍田  
剪燭徵詩夕飛霜縱酒天知音真可恨重整舊朱絃

其六

忽見江南錄故人紛羽翰憐兄復淪逸令我獨艱難  
霜葉迎歸舸雲峰閉藥欄卞和休搵淚堂上問加餐

時兩兄南  
闈被放

其七

微生頗好道夢到武夷山暗泉流鐵鎖古屋閉金環  
虛壁留雲氣真仙多苦顏未能從羽化流涕復人間

其八

客睡疑天曙冬宵苦漏停被池風淅淅帷角月泠泠  
披褐還危坐鳴鷄慣獨聽歸田何日賦雲卧竹窻青

其九

聲華應汨沒風雅信浮沉玉盃逃名穩金門辟世深  
人猶睨蕙苑吾已謝知音漫興非關老無心更苦吟

其十

磊落負當日悲歌豈壯圖我來新洛下不復舊狂奴  
二酉元多事三都合覆瓿圍棋張譜好敲罷酒盈壺



十一

故人分俸米兼贈玉瓶香  
交譜慙龍尾天涯累雁行  
藏身甘繼絆舞劍忽低昂  
不廢狂歌興晴窓動筆床

十二

去歲龍山卧心閒境亦淡  
閉門雲繞屋倚檻月過林  
稚子詩相角山妻酒自斟  
飄蓬今莫問不敢作吳吟

同張二唯米吉上劉潛柱飲王敬哉齋中卽席

賦得年字

風流亂後黯相憐回首荆高擊筑年  
北道誰傳枯樹

賦南音又奏雪花天頻分薇醞春壺酒重損蓬池月  
俸錢顛顛金徽塵滿匣因君更理舊朱絃

短袖長吟莫問天顛狂磬折兩誰憐  
悲來脫帽過詩社夢去移封到酒泉  
漫倚百篇堪度日難同五柳不編年  
安能避世壺中隱閒桂花瓢曲竹前

宋玉叔納姬和敬哉韻

紗窓寒靜碧如煙簾箔淡垂霜雪天  
金屋定情當子夜玉臺新咏及丁年  
燈前解珮歌難續月下吹簫影自憐  
定識蘭房幽事有采珠拾翠傍誰邊

環珮空房說步虛且薰羽帳煖芙蓉歌成白雪難諧  
俗擁得紅顏勝著書星隔銀河秋更苦雲飄巫岫夢  
無餘神仙薄命猶如此珍重香幃倚翠裾

同喬月姿晚過呂亦仙寓值張西河共奕

爲尋楸玉局徒步隔隣過喪亂交偏切羈寒酒易醅  
星當芸閣散聲落竹樓多世事紛如此無勞問斧柯  
送同年李霖九刑部提學河南時自山東典試

初至

玉節新收碧海霞朱輪重出雪初花香含鷄舌郎官

署士指龍門司隸家嶽吐芙蓉迎畫幃河流竹箭引  
仙槎知君種得桃千樹定有青藜護絳紗

山對雲青巖對水千世安有青藤黃絲綠

署士詎前門同赫寒嶽吐芙蓉收畫勳何流竹蕭片

姚端恪公詩集卷之五 丁亥

飲張刑部泊水齋中率筆

予於同年楊木干齋中得讀泊水與韓同舍

九日唱酬詩有西曹自昔多才子之句懷王

李也予間同木干過泊水圍棋斗酒徵詩展

謔平明停驂繼以朗月蓋羈人之傾倒至矣

泊水又為予年友白東谷甥少同學也其詩

亦互相切劘云故中及之

白雲曹中才子多王李嶽嶽高嵯峨岱壇洞庭爭氣

色東壁西園光蕩摩韓張九日蜚八詠欲與少陵競  
 秋興我有冬嘯欲自焚珠玉在前光昭乘君家舅氏  
 我輩人新詩淡穩亦絕倫搽觚便入竟陵室壯節聞  
 與崆峒親雲峰霧壑蛟龍變瑤闕金臺草木春已忝  
 香山稱伯仲更有何忌為比鄰君寓去予只尺跨馬訪君談  
 促膝紗窓初映高春日烏几縱橫楸玉枰牙籤亂簡  
 宛委帙五嶽不敢詩中吐萬端欲向尊前畢壓酒拔  
 劍譎莫哀宛宛霜月蛾眉出楊君奴子初平頭停聲  
 緩節為南謳聽謳忽憶故山去何事金門典敝裘

寄沈石友戶部時司餉天津

楚江杯酒隔春煙

初晤石友於荊州

燕市悲歌興杳然一自

桑田廻地軸難同櫟社說天年朔風沓颯宮雲冷津

樹高寒海月圓記得管寧曾浪跡因君夢到大沽邊

予甲申辟地大沽海口

宋玉叔惠我新詩賦此志感

磊落山東妙風流宋玉師人經天寶後調自建安時  
 大雅餘吾黨浮生寄酒卮新詩今在壁月映玉峰遲

其二

浮家王粲共哀亂越吟長顧曲亦何苦調絲方未央  
煙江青雀冷沙苑紫駟驤憐尔翻蕭颯無心問錦囊

玉叔同王敬  
哉至自吳

其三

吾徒元磬折世路自崎嶇易如珊瑚樹難投明月珠  
蛾眉供偃蹇牛耳合荒蕪莫貴三都紙為君且覆瓿

送魏昭華侍御督學上江

聖世崇文急禮闈金臺兩度紫駟駢為收竹箭吳都  
美正值葡桃天使歸春雪漸隨驄馬盡江花應繞柏

鳥飛絳紗南國多清豫何似埋輪出武威

時侍御初  
巡甘肅至

煙草吳宮六代餘東南文事久蕭疎貧同定遠甘投

筆窮比虞卿不著書此去龍門新鼓吹難詢烏巷舊

簪裾諸生旅謁從容語莫道金臺賤子虛

時子久  
稽京邸

信陽夫子寓江城攬轡彭宣按部行金勒應停玄草

舍石渠真負絳帷笙摩天雕鶚飛能迴失路驂駟黯

自鳴待詔放歸重侍側親扶籃輦有門生

公亦何荆  
屏夫子所

得士夫子  
信陽人

率筆作兼呈吉津濤柱

此日此時忽無事閉門獨坐萬山中  
明明朝暉來相照冉冉爐香裊向空  
塞馬人間誰得失冥鴻天外有西東  
談諧射覆豈辟世尚令今傳曼倩公

節烈隱佚誰能傳序誅碑銘積如丘  
秦時經史道未墜唐後文章不自繇  
何為倚馬還呼馬不用歌牛只

飯牛傳聞此地賣卜者豈非墻東君公流

蜀人前職方劉先生

賣卜市廛

李郎劉子俱吾師落落莫莫人鮮知  
亂後談心無要眇貧來度日易支持  
回首問天無一可終朝策馬任

所之圍棋斗酒差快意猶勝屈首受書時

送蘓次公侍御督學下江

江城連歲羽書頻投筆擔囊盡苦辛  
虎觀南州今寂寞龍門東去此嶙峋  
隋堤柳拂朱輪度吳苑花明絳

帳春

出曹子建

倘念披裘多隱逸可容眄睐及垂綸

趙韞退年執宋玉叔移尊曹秋岳  
問卿宅招同張尔唯王羽一陳路  
若宋轅文諸子即席分

韻錄別得文字

懷歸難贈別折柳况為君南浦同明月  
西山失暮雲

酒人燕寂寞俠少路紛紜

時東路多警

去去春帆穩蘭臯

草正熏

其二

君自輕玄武人猶妬惠文龍吟雙劍析虎嘯九關聞  
辟世桃源淺歸田菊徑分愁心兼去住不獨為離群

輓弟烈閻季子祺

祺兄樞部君禧為闖賊所略祺徒步千餘里訪之見於兩

當山中歸途遇害

桃生露井李代僵兄弟空為侍中郎瑣瑣人間粟與  
帛耿耿天上參與商我每為此長太息上畱田行安

可忘開卷忽讀閻生傳拔劍斫地淚浪浪閻氏季子  
心獨苦流連尋兄涕如雨鸞鳳自入虞人機鵠鴿願  
爨靈鼉鼓猛虎班班不避豪腐肉安能去子逃雁行  
中斷復相見捐軀絕脰如鴻毛至今兩當山冥冥陰  
崖古木聞雷霆山鬼夜啼文狸怒秋菊春蘭不忍青  
還因季子淚沾臆梧宮麥秀悲何極鴿飛倘侍鼎湖  
傍龍髯一去無消息

麗詩

誰道陽臺別有神苧蘿光艷照千春吳宮多少如花

女不見西施說妬人西子

絕塞風沙掩障亭琵琶聲斷玉驄停紅顏薄命知多

少不見龍廷草盡青明妃

玉臂雲鬟香亂飄無情公主亦魂銷人間浪說知憐

惜誰解提刀抱舞腰李勢妹

淚濕明珠拜鳳綸梅花淡處舞衣塵玉環一妬非容

易粉黛三千只采蘋梅妃

金谷煙花非舊春香魂不逐舞衣新高樓一墜等閑

事出塞文姬亦有人綠珠

盃井花鈿黯自斜吳音哀斷後庭花迷樓更踵臨春

閣何必青萍斬麗華張貴嬪

張洎水招同宋玉叔餞秋岳先生即席賦十六

韻

草閣寒燈夕春風濁酒前施蘿聯雁序折柳送鴻騫

曹子當時傑聲名我輩先人情摧磊落天意付迤邐

易妬黃扉漏難焚白馬籠臺烏雖寂寂海鶴自娟娟

門下蜚英彥洎水其薦士群公慘別筵星河低自落雲樹

黯相懸賦遜張衡妙歌憑宋玉傳吾徒甘偃蹇東路



尚戈鋌望氣櫂槍動飛丸鎧仗鮮草青迷舊塚壤白  
變新阡雀舫難歸越龍門且失燕崎嶇畱菘苑跋扈  
悔當年棋減南皮逸杯懷北海顛蓴鱸吾有意先慕  
五湖船

獨漉篇

獨漉獨漉河大水堅冰堅馬滑河大無船饑鷹在天  
群雀相訣仰天欲射矢斷弦絕落葉遊雲隨風紛紜  
客子無託向人慙慙空庖垂帷若有麗人解衣質酒  
若有黃金短劍龍鳴切玉無聲庖人懽喜斲蓴煮羹  
荷弁上山求薪得虎視虎如薪游戲爾汝

黃陂丞歌當古雁門太守行

黃陂丞者予姑夫子夏公統春也公以保舉  
授今官黃人惠之黃陂爲賊陷不屈歾於甚  
烈不忍言時楚中丞王公養基聞而義之賻  
之然後得以姑及諸子女歸江南後然幸讀  
中秘書與邑給諫光公時亨謀引同郡阮穀  
城例請而李賊陷京矣今予懼其事久而湮  
也追作歌以紀之阮穀城者吾郡之懷寧人

亦以諸生保舉授穀城令城陷以殉蒙贈太僕卿廕一子入胄監初爰議請卹時或曰是位卑不得卹予應之曰功成生賞宜自貴者推城守死卹宜自賤者始謂其可以無死而死也嗟乎生死難言之矣予尚敢歌黃陂丞哉

崇禎帝在時黃陂丞夏君本自皖郡桐城諸生少篤孝弟通達五經一解家循良吏爲桐所推應舉賢良方正恪共官職乳哺百姓惠我黃人二解賊圍我黃

城圯湟湮雲梯衝車百道齊登君正衣冠誓以死殉三解賊曰降雨印爾紱曰不爾爾鼎爾鑊君挺立公

亭劓鼻割舌張目而噴四解身無餘膚歿無寸棺中

丞聞訃失箸停餐賻俸錢二萬歸孥江南五解時皖

忠烈有阮毅城贈卿蔭胄俞部臣議給事吉士比例

上聞六解昧死未上賊陷北京青衣載道稽首稱臣

嗟爾殉國黃陂縣丞七解日月晦蝕大烈不宜爲君

作歌俾被管絃忠不必貴名不必年八解

寄劉子木年執時直指江南

柏臺清徹玉壺冰此日寒帷軾更憑  
霜肅三江新繡斧雲橫六代舊  
金陵花驄誰不推桓典尊鱸空  
憐慕季鷹回首燕山分袂夕三  
年鴻雁漫飛騰

壽張庶嘗太公

蓬萊清切倚鑿坡遙拜庭闈憶  
薜蘿紫綬曉分金秋露青禽春  
獻玉山禾地鄰姑射仙爲侶酒  
酌襄陵色易醅他日紅綃題御  
墨膏車洗沐更如何

河上仙翁舊築臺春風此夕綺  
筵開懷中玉燕凌雲迴輦下金  
魚捧口來玄圃畫滋桃五色襄  
陵還泛酒千杯直廬再拜馳賤  
往楊柳郊原驛使催

送王皚文下第歸里

連宵夢到北山薇羨爾揚鞭馬  
似飛莫怨故人俱雁塔忍教新  
婦獨牛衣風沙驛路眠飡穩煙  
雨江城鱖鯽肥陳疾有書吾力上  
請君釀秫待漁磯

皚文新娶

行路難

蛾眉高高絕雲煙豺狸啼後虎  
嘯前樵子乃得攀蘿剪棘凌其  
巔渤溟澗澗窮黃泉鯨鯢宵闕  
龍晝眠泗人乃得腰組探珠沒  
其淵長安大道直如弦出門十

步九戈鋌欲歌行路難氣結不能宣短衣疋馬何所  
適鳴弓射虎向藍田

罽羅被空山饑虎不得騎玉勒錦障泥駑馬爲雄豪  
生不願樹勳銅柱標亦不願採藥綏山桃但需錢刀  
三十萬散之廊廡如鴻毛妖姬十五伺顏色賓客三  
千盡漆膠酒闌金盡謝卿去反閉柴門著緼袍

有口莫讀金簡字但願脫帽露頂眠酒肆有筆莫勒  
燕然峰但願屈首伏几作書傭焯焯雙寶劍昭耀青  
芙蓉不遇壯武侯雌雄安所從請看千古延津上風

雨時時鬪二龍

澹澹天河水宛宛河橋路牛女欲別時十步九迴顧  
一載一相親千春安足慕贈子身上衣是妾手中素  
織縑織素不成章斷絲擲杼起彷徨少婦熒熒守空  
房游子慊慊懷故鄉故鄉欲望雲飛揚空虛欲臥月  
如霜願作野田雙黃雀不羨雲間孤鳳凰

淮南煉丹砂一日黃金成鷄犬矯矯生羽翼鞭鸞叱  
鶴凌紫清帝闈開關玉女喜蒼龍赤豹相將迎南山  
道士愚且魯空食石髓採黃精

東方生年踰二十長九尺奏牘三千昧死聞捧粟詐  
言飢欲死侏儒頓首泣紛紛一榜郭舍人賜帛如煙  
雲再辟賣珠兒黃金三十斤大官斲肉酒一石歸與  
先生遺細君先生細君復不悍恣爾買婦同羅幔先  
生猶言位卑祿薄著客難獨不見公孫丞相布被脫  
粟飯

瀉水置平地涇渭安可嘗練絲一以染安問玄與黃  
青陵臺上烏鵲死琴心夜奏鳳求凰一朝從貴中郎  
將黛眉珠襪有輝光懷古感心長嘆息暗中涕淚沾

羅裳

鷹不樂鷹坊呼虎不樂虎園居魯人苦饗爰居烏吳  
兒愁殺武昌魚賦性各有宜安能強相於長安赤日  
如火然炎風揚沙塵蔽天懷刺十門九不入驟裏欵  
段無停鞭酒樓日午列高筵繁絃促管沸雲煙握箸  
不下飢欲死傳說中厨費萬錢朝亦大道邊暮亦大  
道邊北山山中諸父老赤脚迎風新稻田

壽胡菊潭夫子時蜀初定

瑤池春宴錦徘徊正值鄉園捷報催草就紫泥三殿

妙端情公詩集 卷之五  
去家傳丹嶂五丁開絳紗桃影沿軒植黃閣珂聲下  
直來早晚宮袍頒蜀額君恩不遣憶琴臺

壽友人詩

禁苑春風乳燕低葡萄宮酒玉壺提立亭桃李森相  
引碧海蓬萊路不迷書帶晴分堦下草筆花宵映閣  
中藜他時寶匣琉璃啟三蜀雲霞護紫泥

擬古十九首

丁亥

古詩溫柔澹折其質也至其神氣生動思婦  
羈人之情狀千年而下如見其形若聞其聲

或密而疎似直而曲建安則子建庶幾近之  
唐唯李供奉得其一二杜甫雖自成一家言  
未是此中入室也

蕭蕭庭葉下遙遙秋夜長冷冷空房淡熒熒寒燈光  
寂寂一佳人纖纖治衣裳穿針猶未達淚下已盈眶  
棄置筍篋中拭淚起彷徨復憂針線稀遠道多風霜  
遲遲慰貼平薰以蘭蕙香君恩若平生薄命妾所當  
安能託青鳥舉翼一相將

明月何遲遲徘徊照我堂斗帳縱橫垂髣髴有餘光

褰帷起嘆息曳履步東廂仰視牛女星熒熒限河梁  
人生百年中別離安可常灼灼桃李姿顧盼成秋霜  
如何秦氏女雙雙驂鳳翔

驅馬北郭門白旒何飛飛言是宦遊子飄飄出帝畿  
帝畿雖云樂白骨亦言歸未盡平生心夜臺當語誰  
何不學神仙令此塚纍纍

置酒高堂上召我平生親酋人奉甘醴庶饒難具陳  
趙女被羅衣揚蛾出中庭騰光流四座舉觴不能傾  
清歌輟繁響餘音妙入神衆賓既醉歸主人意未伸

華燈張密室別有傾城人香風隨袖發爲君弛帶巾  
東鄰短褐子金盡但苦辛

河流阻且修鯉魚長尺半致我尺素書遺我錦繡段  
段知霜露寒書言時節換相待恒及昏相思恒達旦  
投水積雪中朝陽豈能泮

昭昭朝陽暉炤我床羅幃佳人起長嘆當鏡理修眉  
俯仰整儀容悲心不自持衆女盛鉛華婉婉盈金閨  
朱顏各自媚誰念絕世姿空房何足惜但感盛年時  
磊磊山上松泛泛水中萍山松偕千年水萍隨風傾

遊子懷故鄉依依戀所生別時庭前霜今秋還復零  
浮雲有往還白日無停征誰能高堂上斗酒吹竽笙  
翩翩雙飛燕託軀華堂楣風雨一以毀憔悴將安歸  
長負主人恩九日十徘徊別巢阿閣間毛羽猶摧頹  
衆鳥鳴啾啾安知我心悲持謝雲中鶴高舉凌天涯  
秋月照空庖愁人夜反側反側夜以深髮髯見容飾  
良人繫驪駒思婦停機織相遇閣門口一拜淚沾臆  
會面良艱難且復進酒食誰能訴相思令君重慘惻  
雷雨何瀟瀟蟋蟀何唧唧漸疑夢寐中尚爾近顏色

願爲雲間雁雙雙振羽翼  
東登碣石顛直視蓬萊水仙人招我遊素女揚皓齒  
哀彼亂離人生死無窮已一身不相知何況妻與子  
逝將棄此去猶豫復徒倚狐疑成老醜萬歲更相鄙  
請君擁名倡酌酒被羅綺  
灼灼亭前花莫莫洲邊莽沈沈青樓中盈盈出歌舞  
裊裊紅羅裾冉冉隨風舉一唱萬人懽再唱淚如雨  
豈我夙所諳黽勉事儔侶昔爲宕子妻今爲倡家女  
俯仰平生心邑邑不得語



讀貞媛競烈篇

闖賊掠太原太谷縣田喬村有茂才侯化龍  
 妻李氏姪婦王氏趙氏媳任氏長女侯氏室  
 茂才張翀弁翀妾王氏翀未室二妹俱張氏  
 次女侯氏適牛茂才仙鳳三女侯氏未室孫  
 侯疆妻任氏與婢女十三人同投井以死祝  
 阿韓又韓慕其義而旌之且紀之曰貞媛競  
 烈篇

太原烽火徹金門節義空餘太谷村盡擲紅顏消綠

水恥餘青塚向黃昏滄桑歷盡身猶在巾幗年來道  
 益尊裁就楚騷還閣筆知君不欲聽招魂

送董良合歸田

綠草黃沙驛青衫碧玉蹄酒寒燕市暮詩壓錦囊低  
 茅店河流曲柴門海樹齊菖蒲家釀熟到日醉如泥

計歸近  
午節

其二

野人猶待詔學士竟焚魚羨爾同張翰先吾返故廬  
 畏塗紛雨霰嬾性狎樵漁三徑容疎放安驅下澤車

良合以違例  
乘車被放

其二

千嶺  
信融

采山何亦曲柴門  
嶽樹齊蒼藟  
寒蕪日轉收  
絲草黃少鞵青  
逐擊王祖  
西寒燕市暮  
精廻  
馳囊

其董夏合翻田

益尊  
滋  
煉  
焚  
飄  
歎  
閣  
華  
咲  
昏  
不  
浴  
離  
吟  
庭  
木  
派  
繪  
青  
冠  
向  
黃  
君  
飲  
桑  
翅  
盡  
良  
辭  
在  
申  
剛  
爭  
來  
道

姚端恪公詩集卷之六

丁亥

飲陳彥升前輩書閣讀其送曹秋岳同卿詩兼

感近事

午雨炎風小閣陰  
青尊白雪許追尋  
中郎有席虛淮  
左主父無書達禁  
林地肺於今三徑  
險天門自昔九  
關溪山公封事裁  
成未不獨雲霄結  
綬心

霜葉燕山並梗蓬  
春餘宮柳鬱菁葱  
重來總愧遼東  
鶴兩度新看冀北  
驄曼倩陸沉金馬  
下劉伶關閉玉  
壺中揮絃點筆今  
全懶愁奏南音向  
朔風

汎汎曹卿水一方翩翩宋玉只爲郎謂玉叔書還二

西藏猶淺賦貴三都覆不妨樓近元龍分岌喋冠懸

神虎付蒼茫停杯萬事成回首煙雨鍾山舊草堂

送左子忠姑夫夏初歸里

丈人初下第姑母計歸鞭久滯還山展虛期射策年

時安傳再舉會試星疑浮渡聚時同里皆聚寓巷北竹林偏仲孺時

驚座狂歌落月前

其二

歸路舟車半離憂去住兼緘書因父執洒淚寄茅檐

游子青雲滯高堂白髮添定知勞問訊莫說病江淹

題畫贈傅星崑

碧流如帶荻蘆遙古木垂陰覆板橋倚杖四收秋浦

色葛陂龍去雨瀟瀟

老樹參天結草亭藤輪孤浦晝冥冥丈人安坐秋光

寂山水平分四座青

疊嶂層陰水榭寒疏窻烏几面澄湍琴心三疊閒披

帙疑在蓬壺閣上看

雲峰翳翳綠蘿陰倒影沉川青黛淡陶峴扁舟何處

去煙波不盡五湖心

送方元錫歸里兼懷坦翁夫子

留君不住更滂沱憐我歸心繞薜蘿池草竹林堪徙

倚

時令叔晉公令弟吉偶皆登第

春風夏木豈蹉跎輕輿書缺人辭

關落月參辰曉渡河暇日趨庭詢弟子青氈何用美

鑾坡

送周大中丞撫江寧

燕臺春盡草初萋驛路旛旗小隊齊紫氣還從山左  
度青雲相望秣陵西江帆浪靜驕龍偃海戍烽消彩

鷁迷倘念東南多隱佚肯分餘照浣花谿

送友人備兵辰靖

攬轡燕郊踏綠蕪帆過湘澧雪鴻呼五谿吹笛元蕭  
瑟二酉藏書近有無銅柱君還開瘴癘金門我自美  
侏儒東南遺彥多零落極目龍標天一隅

送宋轅文返松江

宋郎拂袖鳴鞭去津門帆指吳江路長安赤日滾風  
沙更應何計留君住停君紫游韁遲君官道傷却憶  
春風同餞別酒闌醉卧曹卿堂

春正同餞秋岳即宿其宅

寒燈熒

熒月欲吐明河澄碧斗低昂回首乾坤成反覆靦顏

吾輩復飛揚餘生斷犧與腐草之子騏驎或鳳凰期

君兄弟謂玉叔致日月手啟天扉排栢梁射策雙雙真

脫穎依然薄宦含香省陳遵謂彥升前輩啟事上每遲趙

壹謂韞退年執祠壇官獨冷詞人只剩酒猖狂達官頗厭

詩道警稍喜冀北賤驂騑得返江東呼舴艋江東渺

渺雲差峩漕河四月水曾波青簾素舸晴搖曳黃浦

機山秋嘯哥鱸魚鱠絲白勝雪楊梅浸酒顏易醜因

君憶我同門友轅文兄九畹尚木皆余同門弟唱兄酬奈爾何

次韻和陳彥升前輩遣姬詩

鄉思離憂盡此時越烏腸斷向南枝蘂林漸識流離

苦蚕繭長懸晝夜絲

粧樓曾傷五湖間約指雙銀理髮鬟此夜月明溪院

情尚疑羸女弄簫還

鬱金堂上燕空斜折盡堂前萱草花還是季倫饒意

氣不教傾國入孫家陳有俠異季倫語

攬裙出閣莫逡巡從此靡蕪是故人何似茂陵初輟

聘紅顏誰怨長卿貧陳詩有不是文君狼藉甚世間誰信長卿貧之句

織綺調絲歲不同教成別貯舞樓中空簾更擬高唐  
賦似挽行雲駐曉空

同鬻柱宿百史年執署酒中話舊泫然及之分  
得五字

雨閣風燈影動搖舊遊回首倍蕭條三年重酌荆卿

酒萬里憐吹伍員簫

先生避仇  
徒步萬里

玉署餘生還嘯咏金

門大隱卽漁樵尚思掩袂分携地凝碧煙寒罷早朝  
午日百史年執招同雅集分得五字

冰署冰盤列座隅開尊避暑泛菖蒲寧徒令節傾三

雅別有閒心寄五湖叔夜酒酣人似玉茂先賦就字  
爲珠由來投轄君家事坐見清輝映碧蕪

齊侯照乘幾明珠坐使王孫泣路隅棄甲誰令揮白  
羽談兵爭道伏青蒲同消壯志歸桑海恨有餘生負

鼎湖往事不嫌傾倒盡風塵回首舊萊蕪

夜闌淡談  
往事並及

家君作令時  
狀愴然久之

百史年執席中同贈張君文玉得齊字

舞劍停杯意黯悽翩翩俠客自荆溪爲奴季布元藏  
魯變姓鴟夷轉相齊河上歌成同涕淚天涯人在憶

妙峰悟公詩集 卷之六  
分攜今宵玉女潭前月曾照羈鳥繞樹啼 張宜興人先生曾避

難其家

月下同程其相王以介方吉偶分得槐字送子

遠姑夫之長清

罷酒寒扉月映槐預愁班馬發天街霓裳已泛含桃

宴黃綬還因苜蓿齋 子遠成進士仍魯史由來多卓

異齊風曾否尚椎埋 時東省賊警小定 相期鳧鳥雲霄遠莫

怨飛龍羽翼乖

同戚元亮劉濤柱過佟一元少司空留飲醉歸

率賦奉贈

一刺升堂駐玉鞍雙尊遲客儼冰盤紗帷隔牖涼風

入夏木當軒午日寒酪酏總忘歸路遠婆娑還覺酒

杯寬翩翩馬上飛揚甚細雨斜曛倒著冠

贈戚元亮

燕趙悲謠士如君誠亦稀青尊聯雁序白眼看鴻飛

才子窮金簡將軍舊鐵衣却懷風雨夕倒著接離歸

輓趙元公孝廉

沅水湘雲路幾千君隨孤旆遠翩翩寃莫弔三閭

苦未及長沙賦鵬年元公年二十

黃金臺畔柳鳴風同學拚飛跨鐵驄倘令中涓真買

骨誰傳聲價玉樓中元公以病未入春闈

湘佩遙分紫塞長琵琶空憶婚為郎傷心海燕初歸

日不見盧家玳瑁梁元公配初贖歸未婚而卒

忽看素壁淚沾裳壁上冬吟誰和章却憶北風天雨

雪君來攜句草玄堂元公冬過我出和我冬肅八首今遺跡在壁上

怪爾騎鯨何處游可能化鶴返皇州有無海上黃金

闕曾否天邊白玉樓

栢府重過泣楚雲烏啼花落暮紛紛堂前素幔隨風

捲宋玉招魂不可聞君為御史中丞洞門次公宋玉叔有文及詩輓之甚凄苦

送胡山公備兵揚州

濟濟京華道東南幾玉珂風流吳咏少丘壑楚材多

待詔寧遲暮褰帷足嘯歌倘憐江左逸未借上林柯

其二

去歲秋風晚重游邗水侑蕪城餘斷鏃瓊觀下斜陽

五袴需廉范單車祖鄭莊蒼葭寒露浦爭望使君航

送宋玉叔暨假還萊陽



時時稱二宋忽忽各分飛

時轅文先歸

薄宦詩名減過春

酒社稀戰雲餘草驛炎雨隔氈衣東道烽初息遲君

駟馬歸

其二

為郎非不達暫返即滄洲酒並鄰翁飲詩無豎子求

卧窻風過枕散帙月當樓因爾憐羈絆歸心滿故丘

其三

封禪書曾讀蓬萊棹屢迴

余甲申避難浮海舟再及成山而返

蛟宮銜

日躍仙關隔雲開雅屐誰能共秋吟應獨裁新詩兼

海味取次寄金臺

同瀟柱宿百史年執署中

下馬升堂轉玉除長卿多病更樓居客來真率同羊

曼酒半悲歌憶鹿車

時以病思歸

過檻浮雲滄海意當窻

殘堞隔朝餘短檠長被蕭疎甚吏部床頭滿架書

過飲成青壇新居用敬哉東谷舊韻

停鞭朱戶晚轉檻白雲深窈窕開幽徑青葱寄遠心

竹留新雨色槐落隔墻陰據地歌成未如君足陸沉

其二

往日張刑部經過出每遲棋枰風散處酒椀月移時  
舊徑求羊失新巢海燕知開尊重指點丘壑是吾師  
齋因張泚水  
舊址新之

月夜同吉偶過慰王鐵山少司空卽飲奇吾新

齋

解綬開尊足嘯歌蒿廬近日在銅駝鄭莊官罷賓朋  
滿庾信園成酒債多亭落槐陰初上月鳥驚人語半  
移柯明朝堅卧紗窻午恣意淡更捲白波

施子翔年兄招飲金魚池

同价人惇五茹  
吉灣柱諸年兄

施侯手一卮酌我金魚池赤日如火忽改色午餘露  
坐平臺遲大池小池荇藻亂橫隨曲岍楊柳垂小魚  
委蛇如畏人大魚騰蹕如有神雲黛倒映碧玉沼風  
萍開出黃金鱗投餌唼呷水衣裂媵雨穿枝出沒頻  
沙苑泉中讓此物南屏金鯽空逡巡池前陰陰天壇  
樹壇下漠漠平沙路班馬嘶風正練飛感此離情莽  
迴互憐君此別動經年座中散盡廣文氈董子歸田  
劉子泣獨我金門無俸錢他時倘寄南和酒重憶秣

陵秋草煙

施令  
南和

送方二吉偶之獲鹿

又送方生去愁聽班馬風如何同里客都散夏雲中  
別酒誰能醉離歌懶欲工王程芳草驛不敢怨飄蓬  
其二

真成負弩吏仍是謫仙人草映青袍色花移上苑春  
蛾眉圖畫賤馬首送迎頻莫厭喧卑秩循良慰老親  
其三

天妬蓬萊苑人爭苜蓿盤滯君南省棹六月出長安  
歸夢榮桃渡清時穩釣竿吾師同老父並指路漫漫

其四

如君真令子相送泪闌干白髮經年望青雲此日寬  
無才同結綬勸爾好爲官古帖兼藏畫公餘莫浪攤  
其五

爾汝憐同學聰明並絕群人偕期紫綬吾已負青雲  
翰墨餘前代風流且使君到時迎竹馬曾否憶中軍  
其六

傳聞獲鹿縣坐對井陘關秦蜀烽初息兵車正往還  
驛亭芳草騎哇隴稻花斑他日徵書至楓宸第幾班

種竹篇飲成青壇新齋作

種竹復種竹三竿五竿足紗牖頻開助晚涼疎簾半  
捲搖新綠吟風咿咿雙鳳鳴沐雨瀟瀟湘水曲由來  
此物足幽遐况值軒楹初卜築却憶去年山舍東朱  
家亭子萬竹中新梢峩峩礙白日疎榦面面來秋風  
拭粉鑄詩碧玉裂停陰逼酒琥珀空赤脚單衣六月  
冷展席彈棋十日同長安一別空相憶犢車馬首塵  
如織見爾疑得故園青托根更近君子側君不見此  
竹移自玉泉山千竿萬個只等閒山鬼朝栖紫瓊樹

啼猿晝挂籜龍斑從君拂拭蜚佳咏檀欒峭蒨開容  
顏吁嗟乎一物遇合猶若此昂首狂歌種竹還

青壇有竹

咏諸公  
和之

七夕後一夜對月

客裏不知過七夕穿針設脯事全收又成天上經年  
別稍減閨中昨夜愁螢火空堦砧杵下梧陰淡院綺  
羅秋誰堪千里明明月同照銀河在上頭

乞米行

京華留滯貧與日增一日款段歸暮矣僕以

米竭告欲糴則無見錢因走札程子其相負

米斗二升以來遂作乞米行自嘲

乞米復乞米乞米無休已乞米不乞豪富人乞爾寒  
官更比隣憶昔西園振毫素睥睨九州不足步餉客  
時傾琥珀杯贈人不惜珊瑚樹天崩萬死歸逡巡老  
父園扉奉切綸阿母釵釧典已盡阿兒薄宦餘一身  
空倉烏鵲饑欲死猛虎斑斑來嚙人蕩產鬻宅易珠  
玉稽首權門稱主臣再生適逢鼎革會緩死豈非諸  
公仁刀俎遲遲釜魚走至今感激無怨嗔老父歸卧

龍山貧茅檐蔬圃編荆榛日日伐薪課僮僕時時乞  
麥向西隣阿母十日九日病幼弟幼妹顏苦辛賤子  
中夜起嘆息走馬復向長安塵一滯長安寒復暑往  
往晨炊至日午艱難世人誰得知雄豪吾輩猶堪數  
海上意氣韓次卿燕臺再見楊諧五王君敬假館猶  
弟昆成子青經營心獨苦不分天涯累故人從君乞  
米淚如雨吁嗟乎龍懷乞米有其相龍山乞米有何  
方以此投箸不能食倚劍凌雲思渺茫

同李成玉程其相月過蔣虎臣卽返

一年燕市寓月步自今宵隔巷尋儔侶長街半寂寥  
彈棋依地榻送客出門橋不為金吾禁傾尊夜未遙

過飲王鐵山先生新閣賦

停杯聊折簡騎馬便升堂斜月先虛閣高林過短墻  
蔬盤羊曼潔酒態灌夫狂不分更籌急歸鞍夜未央

送龍大生令脩武

郎宿高高次太行覃懷仙令每循良潘安花署餘秋  
草王渙祠亭下夕陽此去勉君還卓異重來奏最有

輝光傳聞瓠子宮須築莫遣蛟龍騁大荒

時河工甚峻

銀錠橋上作

劉同人伺于司直奕正景物略有英國新園

記曰崇禎癸酉歲淡冬英國公乘冰床渡北

湖過銀錠橋之觀音菴立地一望而大驚急

買菴地之半園之一亭一軒一臺耳但坐一

方方望周畢其內一周二面海子一面湖也

一面古木古寺新園亭也園亭對者橋也

今亭

與橋不相對

何處來秋色居然在石橋山橫西嶺秀水匯御溝朝

其水自德勝  
槐雨連莊靜  
荷風對岬飄  
鷺鷗無結束  
來以入海子  
沙畔晚蕭蕭

鄭君招飲蔡懷真園中

衝泥城霧合  
展席夜亭清  
小徑迴廊入  
微香隔幕生  
榻從徐孺下  
杯爲鄭莊傾  
預識金吾禁  
判期四五更

其二

落葉秋風夕  
催花擗鼓時  
吳儂深度曲  
燕女坐調絃  
罌盞登筵古  
茶羹佐酒遲  
却懷煙雨渡  
曾過習家池

懷真舊有別墅在秣陵關

其三

碧紗淡剪燭  
紅粉次行觴  
薄命誰家子  
低頭說故鄉

座妓有餘生同鄙賤失路豈猖狂莫奏文姬拍淋漓廣陵人

秋夜長

送王漢卿令吳縣兼懷齊廣文

聞道吳門是昔遊  
栽花重向百花洲  
東南山色歸籃輦  
風雨湖聲到郡樓  
此去調琴多暇日  
不堪分袂復深秋  
鄭虔筆札應無恙  
定有新題待虎丘

送江寧憲使王子俊斲之錦州

江亭爭望使君航  
竭爾鳴鞭攬大荒  
塞草清霜開獵  
騎秋花寒日上  
邊墻鹿盧雙劍  
當筵舞羊酪千  
鍾漉酒嘗寄語  
報韓張國士通  
家回首涕霑裳

送王鐵山先生歸里

四座離憂寫玉壺  
黃雲丹葉黯寒  
蕪羊公有表辭  
開

府賀監無恩賜鑑湖  
時先生以辭少司空之命被斥歸里  
雨驛氈衫晨

躍馬風江素幔夕  
啼烏悼亾賦就  
休還讀珍重加  
食

千里途

去年今夜隔街居  
漉酒彈棋丙夜  
餘霜髮卞生消  
鐵

馬歸心三載厭銀魚  
周原寒柳誰堪折  
召曰晴瓜好

自鋤獨恨園亭新  
卜築黃花宛宛餞  
征車

贈李二公朗霽

李二為予拔一友  
妹出先是江南使  
君王君

言同予謁年執陳  
公名夏以身任之  
及自錦

州歸病甚以託李  
君也

謾書宵至晝眠床  
十一夜予在岳朋海座偶李二以書來曰某氏事已矣爇酒次大吐

汗中衝寒趨李二家復大吐李二日以試子誠耳人已得矣汗中復衝寒歸遂病次午予病卧而某氏至

忽聽羈人到故鄉  
孝綽定知憐令妹  
曹公原未識中



郎曹公贖蔡琰於中郎故友也李二賢于彼遠矣寒服廣陵身自解時廣陵女解衣

之手緘縱水淚相望是日顧君返吾里某氏手札寄其兄江寧使者如

垂訊為報元龍謂陳公喜欲狂

廣陵吟

朱家秋院酒三巡翠袖當筵泪滿巾問舞徵歌俱不

解低頭說是廣陵人

藥裏茶鐺病裡身王郎高義亦殊倫微軀敢惜紅羅

裂但有長干賣果人先是其夫曾偽作賣果者以規之

寒更淡語漏低迷離別天涯各黯悽妾念故人君亦

爾歸心同到大江西

天台採藥豈無情祇慮多情負舊盟寒月孤燈更悄

情開簾還送一人行時寓丁家而異室也

盥手焚香雙泪傾趙家今日返連城明明共對尊前

語一拜真同千里行

朱家東魯舊雄豪怒擲黃金按寶刀手擘明珠歸合

浦仰天大笑若鴻毛

有感

一拜三年別重逢萬死身海濱天可問園室鬼為鄰

不堪回首處難作負心人耿耿情何極丹書墨尚新

其二

金卮母手賜枕秘婦親縫痛哭三更夜蒼茫一念中  
避債臺難築調砂術未工誰憐蚕室苦再贖史遷公

其三

龍山昨有信時家大人字至生計日淒微毛義情空切朱

家事已非揚亭纔寂寞代馬遽拚飛長齋哀繡佛持

謝廣陵衣

